

摘藻堂四庫全書薈要

史部

欽定四庫全書薈要卷七千七十三

史部

資治通鑑卷八十七

宋 司馬光 撰

胡三省 音註

晉紀九

起居維大荒落盡  
重光協洽凡二年

孝懷皇帝中

永嘉三年春正月辛丑朔熒惑犯紫微

紫微即  
紫宮也

漢太史

令宣于修之

考異曰晉春秋作鮮于修之今從載記  
十六國春秋余按姓氏諸書有鮮于而無

宣于漢主淵曰不出三年必克洛陽蒲子崎嶇難以

久安

崎丘奇翻  
嶇丘于翻

平陽氣象方昌請徙都之淵從之大赦

改元河瑞

時汾水得玉璽  
淵因改元河瑞

三月戊申高密孝王略薨

以尚書左僕射山簡為征南將軍都督荆湘交廣四州

諸軍事鎮襄陽

代略也

簡濤之子也嗜酒不恤政事表順

陽內史劉璠得衆心恐百姓劫璠為主詔徵璠為越騎

校尉

璠扶  
元翻

南州由是遂亂父老莫不追思劉弘

史言劉  
弘父子

得江漢  
問民心

丁巳太傅越自滎陽入京師

越自去年  
徙屯滎陽

中書

監王敦謂所親曰太傅專執威權而選用表請尚書猶

以舊制裁之今日之來必有所誅帝之為太弟也與中

庶子繆播親善及即位以播為中書監繆盾為太僕卿

太僕九卿也但晉官未有卿字卿字衍委以心膂帝舅散騎常侍王延尚

書何綏太史令高堂冲並參機密越疑朝臣貳於己散

亶翻騎奇寄翻朝直遥翻劉輿潘滔勸越悉誅播等越乃誣播等欲

為亂乙丑遣平東將軍王秉帥甲士三千入宮執播等

十餘人於帝側付廷尉殺之越因繆播兄弟以克河間今又殺之權勢之爭可畏

哉帥讀帝歎息流涕而已綏曾之孫也初何曾侍武帝



宴退謂諸子曰主上開創大業吾每宴見

見賢通翻

未嘗聞

經國遠圖惟說平生常事非貽厥孫謀之道也及身而

已後嗣其殆乎

嗣祥吏翻

汝輩猶可以免指諸孫曰此屬必

及於難

難乃旦翻

及綏死兄嵩哭之曰我祖其殆聖乎曾曰

食萬錢猶云無下箸處

箸遲據翻挾也

子劭日食二萬綏及弟

機羨汰侈尤甚與人書疏詞禮簡傲河內王尼見綏書

謂人曰伯蔚居亂世而矜豪乃爾其能免乎人曰伯蔚

聞卿言必相危害尼曰伯蔚比聞我言自己死矣

何綏字伯

蔚比必寐翻及  
也蔚紆勿翻

及永嘉之末何氏無遺種

種章  
勇翻

臣光曰何曾議武帝偷情取過目前不為遠慮知天

下將亂子孫必與其憂

與讀  
曰預

何其明也然身為僭侈

使子孫承流卒以驕奢亡族

卒子  
恤反

其明安在哉且身

為宰相知其君之過不以告而私語於家非忠臣也

太傅越以王敦為揚州刺史

為敦亂東  
晉張本

劉寔連年請

老朝廷不許尚書左丞劉坦上言古之養老以不事為

優

不事謂不  
使任事也

不以吏之為重謂宜聽寔所守丁卯詔寔

以侯就第以王衍為太尉太傅越解兗州牧領司徒越

以頃來興事多由殿省

謂誅楊駿廢賈后誅趙王倫齊王冏及討成都王穎及羊后太

子覃屢廢屢立皆殿中人為之

乃奏宿衛有侯爵者皆罷之時殿中武

官並封侯由是出者略盡皆泣涕而去更使右衛將軍

何倫左衛將軍王秉領東海國兵數百人宿衛

自是帝左右皆

越私

左積弩將軍朱誕奔漢

武帝泰始四年罷振威揚威護軍置左右積弩

將軍具陳洛陽孤弱勸漢主淵攻之淵以誕為前鋒都督

以滅晉大將軍劉景為大都督將兵攻黎陽克之又敗

王堪於延澤沈男女三萬餘人於河

敗補邁翻  
沈持林翻

淵聞之

怒曰景何面復見朕

復扶  
又翻

且天道豈能容之吾所欲除

者司馬氏耳細民何罪黜景為平虜將軍

劉淵之識畧  
非聰曜所能

及夏大旱江漢河洛皆竭可涉

川竭亡  
國之徵

漢安東大

將軍石勒寇鉅鹿常山衆至十餘萬集衣冠人物別為

君子營

石勒起於邊外餓隸而能如此此其所以能跨有土宇也

以趙郡張賓為謀

主刀膺為股肱夔安孔萇支雄桃豹逵明為爪牙

姓譜  
夔子

之後以國為姓後趙支雄傳云其先月支胡人也桃春  
秋魯邑以邑為姓一曰古高士左伯桃之後逵盧谷翻

并州諸部落多從之侵掠初張賓好讀書

好呼到翻

濶達有

大志常自比張子房及石勒徇山東賓謂所親曰吾歷

觀諸將無如此胡將軍者

勒本胡也故謂之胡將軍

可與共成大業

乃提劍詣軍門大呼請見勒亦未之奇也賓數以策干

勒

呼火故翻數所角翻

已而皆如所言勒由是奇之署為軍功曹

動靜咨之

漢主淵以王彌為侍中都督青徐兗豫荆

楊六州諸軍事征東大將軍青州牧與楚王聰共攻壺

闕以石勒為前鋒都督劉琨遣護軍黃肅韓述救之聰

敗述於西澗勒敗肅於封田皆殺之

西澗封田皆當在壺關東南敗補邁

翻考異曰石勒載記肅作秀封作白今從十六國春秋及劉琨集

太傅越遣淮南內史

王曠

秋考異曰十六國春秋作王廣今從帝紀

將軍施融曹超將兵拒聰等

曠濟河欲長驅而前融曰彼乘險閒出

閒古覓翻

我雖有數

萬之衆猶是一軍獨受敵也且當阻水為固以量形執

量音良

然後圖之曠怒曰君欲沮衆邪

沮在呂翻

融退曰彼善

用兵曠闇於事勢吾屬今必死矣曠等於太行

行戶剛翻與

聰遇戰於長平之間曠兵大敗融超皆死聰遂破屯留

長子

純屯音

凡斬獲萬九千級上黨太守龐淳以壺關降

漢

降戶江翻作劉惔劉琨

考異曰十六國春秋傳作襲醇今從帝紀

劉琨以都尉張倚

領上黨太守據襄垣

襄垣縣屬上黨郡宋白曰襄垣趙襄子所築因以為名

初勾

奴劉猛死

見七十九卷武帝太始八年

右賢王去卑之子誥升爰代

領其衆誥升爰卒子虎立居新興號鐵弗氏

鐵弗氏之後為赫連

勃勃與白部鮮卑皆附於漢

考異曰劉琨集作百部今從後魏書晉書

劉琨

自將擊虎

將即亮翻壺關琨使

兵救之為聰所敗王廣等及聰

戰又敗龐淳以郡降賊十六國春秋關敗韓述黃肅六月晉遣王廣等來討七月戰于長平

晉師敗劉惔以壺關降按劉琨集載六月癸巳琨荅太傅府書曰聰彌入上黨龐惔不能禦又曰安居失利韓述授首封田之敗黃肅不還浹辰之間名將仍殄又曰即重遣江陶都尉張倚領上黨太守疾據襄垣續遣鷹揚將軍趙擬梁余都尉李茂與倚併力輕行夜襲賊捐弃輜車宵遁而退追尋討截獲三分之二當聰彌之未走烏丸劉虎構為變逆西招白部遣使致任稱臣於淵殘州困弱内外受敵輒背聰而討虎自四月八日攻圍然則琨討虎以上事皆在四月以前也蓋晉漢二史皆據奏報事畢而言之今依琨集為定

劉聰遣

兵襲晉陽不克 五月漢主淵封子裕為齊王隆為魯

王 秋八月漢主淵命楚王聰等進攻洛陽詔平北將

軍曹武等拒之皆為聰所敗

敗補聰

聰長驅至宜陽自恃



驟勝怠不設備九月弘農太守垣延詐降

垣姓延名降戶江翻

夜

襲聰軍聰大敗而還王浚遣祁弘與鮮卑段務勿塵擊

石勒于飛龍山

隋地理志恒山郡石邑縣有飛龍山括地志封龍山一名飛龍山在恒山鹿泉

縣南四十五里

大破之勒退屯黎陽

冬十月漢主淵復遣楚

王聰王彌始安王曜汝陰王景帥精騎五萬寇洛陽

扶復

又翻帥讀曰率騎奇寄翻

大司空鴈門剛穆公呼延翼帥步卒繼之

北狄傳匈奴四姓有呼延氏卜氏蘭氏喬氏而呼延氏最貴

丙辰聰等至宜陽朝廷

以漢兵新敗不意其復至大懼辛酉聰屯西明門

西明門洛

城西面南頭  
第二門也

北宮純等夜帥勇士千餘人出攻漢壁斬

其征虜將軍呼延顥壬戌聰南屯洛水

洛水過洛城南

乙丑呼

延翼為其下所殺其衆自大陽潰歸淵勅聰等還師聰

表稱晉兵微弱不可以翼顥死故還師固請留攻洛陽

淵許之太傅越嬰城自守戊寅聰親祈嵩山

嵩山在河南陽城縣

留平晉將軍安陽哀王厲冠軍將軍呼延朗督攝留軍

冠古玩翻

太傅參軍孫詢說越乘虛出擊朗斬之

說輸芮翻

厲赴

水死王彌謂聰曰今軍既失利洛陽守備猶固運車在

陝糧食不支數日

聰自宜陽而東又南進屯于洛水既為晉所敗運車在陝糧道隔絕陝失

冉翻殿下不如與龍驤還平陽

淵以族子曜為龍驤大將軍驤思將翻

裹糧

發卒更為後舉下官亦收兵穀待命於兗豫不亦可乎

聰自以請留未敢還宣于修之言於淵曰歲在辛未乃

得洛陽今晉氣猶盛大軍不歸必敗淵乃召聰等還

天水人旬琦等

旬呼宏翻

殺成太尉李離尚書令閻式以梓

潼降羅尚

降戶江翻

成主雄遣太傅驤司徒雲司空璜攻之

不克雲璜戰死初譙周有子居巴西城巴西太守馬脫

殺之其子登詣劉弘請兵以復讐弘表登為梓潼內史

使自募巴蜀流民得二千人西上

上時掌翻

至巴郡從羅尚

求益兵不得登進攻宕渠

宕渠縣漢屬巴郡自蜀以來屬巴西郡賢曰宕渠故城在

今渠州流江縣東北宕徒浪翻

斬馬脫食其肝會梓潼降登進據涪城

涪音浮

雄自攻之為登所敗

敗補邁翻

十一月甲申漢楚王

聰始安王曜歸于平陽王彌南出轅轅

轅音環

流民之在

潁川襄城汝南南陽河南者數萬家

襄陽縣漢屬潁川郡武帝泰始二年

分立襄城郡

素為居民所苦皆燒城邑殺二千石長吏以應

彌長知

兩翻

石勒寇信都

信都縣漢屬信都國後漢屬安平國晉同

殺冀州刺

史王斌

斌音彬

王浚自領冀州詔車騎將軍王堪北中郎

將裴憲將兵討勒勒引兵還拒之魏郡太守劉矩以郡

降勒

降戶江翻

勒至黎陽裴憲棄軍奔淮南王堪退保倉垣

倉垣城在陳留浚儀縣水經汴水出浚儀縣北東

十

還倉垣城南即入梁縣之倉垣亭也城臨汴水

二月漢主淵以陳留王歡樂為太傅

樂音洛

楚王聰為大

司徒江都王延年為大司空遣都護大將軍曲陽王賢

與征北大將軍劉靈安北將軍趙固平北將軍王桑東

屯內黃

內黃縣屬魏郡應劭曰陳留有外黃故加內云

王彌表左長史曹窳行

安東將軍東徇青州且迎其家淵許之

窳魚力翻為曹窳據青州張本

王彌家在東萊

初東夷校尉勃海李臻與王浚約共輔晉室

浚內有異志臻恨之和演之死也

見八十五卷惠帝永興元年

別駕

昌黎王誕亡歸李臻說臻舉兵討浚臻遣其子成將兵

擊浚

考異曰燕書王誕傳成作咸今從李洪傳說翰尚翻

遼東太守龐本素與

臻有隙乘虛襲殺臻遣人殺成於無慮

無慮縣前漢屬遼東後漢屬遼

東屬國晉省應劭曰慮音問周禮所謂其山醫巫問是也誕亡歸慕容廆詔以勃海

封釋代臻為東夷校尉龐本復謀殺之

龐平罪翻復扶又翻

釋子

俊勸釋伏兵請本收斬之悉誅其家

俊七倫翻又且緣翻

四年春正月乙丑朔大赦

漢主淵立單徵女為皇后

單徵氏苗也歸漢見上卷二年單音善

梁王和為皇太子大赦封子義為

北海王以長樂王洋為大司馬

樂音洛

漢鎮東大將軍

石勒濟河拔白馬王彌以三萬衆會之共寇徐豫兖州

二月勒襲鄆城

鄆音絹

殺兖州刺史袁孚遂拔倉垣殺王

堪復北濟河攻冀州諸郡

復扶又翻

民從之者九萬餘口

成太尉李國鎮巴西帳下文石殺國以巴西降羅尚

降戶

江翻

太傅越徵建威將軍吳興錢璿

吳分吳郡丹陽置吳興郡以自烏程

興故也璿黃外翻

及揚州刺史王敦璿謀殺敦以反敦奔建業

告琅邪王睿璿遂反進寇陽羨

陽羨縣前漢屬會稽郡後漢屬吳郡自吳以來

分屬吳興郡賢曰陽羨故城在今常州義興縣南

睿遣將軍郭逸等討之周玘

糾合鄉里與逸等共討璿斬之玘三定江南

惠帝永興元年討石

水永嘉元年討陳敏今又誅璿是三定江南

睿以玘為吳興太守於其鄉里

置義興郡以旌之

時分吳興之陽羨及長城縣之西鄉丹陽之永世為義興郡

曹



疑自大梁引兵而東所至皆下遂克東平進攻琅邪

夏四月王浚將祁弘敗漢冀州刺史劉靈於廣宗殺之

將即亮翻下同廣宗縣漢屬鉅鹿郡晉屬安平國敗補邁翻

成主雄謂其將張寶

曰汝能得梓潼吾以李離之官賞汝寶乃先殺人而亡

奔梓潼旬琦等信之委以心腹會羅尚遣使至梓潼

使疏

吏翻琦等出送之寶從後閉門琦等奔巴西雄以寶為太

尉幽并司冀秦雍六州大蝗食草木牛馬毛皆盡

雍於

用翻秋七月漢楚王聰始安王曜石勒及安北大將軍

趙國圍河內太守裴整于懷詔征虜將軍宋抽救懷勒

與平北大將軍王桑逆擊抽殺之河內人執整以降

降戶

江翻漢主淵以整為尚書左丞河內督將郭默收整餘衆

自為塢主

城之小者曰塢天下兵爭聚衆築塢以自守未有朝命故自為塢主將即亮翻

劉琨

以默為河內太守羅尚卒於巴郡詔以長沙太守下

邳皮素代之

姓諧皮姓樊仲皮之後

庚午漢主淵寢疾辛未以

陳留王歡樂為太宰長樂王洋為太傅

樂音洛

江都王延

年為太保楚王聰為大司馬大單于並錄尚書事置單

于臺於平陽西

單音蟬

以齊王裕為大司徒魯王隆為尚

書令北海王義為撫軍大將軍領司隸校尉始安王曜

為征討大都督領單于左輔廷尉喬智明為冠軍大將

軍領單于右輔光祿大夫劉殷為左僕射王育為右僕

射任顗為吏部尚書

任音士顗魚豈翻

朱紀為中書監護軍馬

景領左衛將軍永安王安國領右衛將軍安昌王盛安

邑王欽西陽王璿皆領武衛將軍分典禁兵

璿句緣翻

初盛

少時不好讀書

少詩照翻好呼到翻

唯讀孝經論語曰誦此能行

足矣安用多誦而不行乎李熹見之歎曰望之如可易

易弋豉翻  
慢易也

及至肅如嚴君可謂君子矣淵以其忠篤故

臨終委以要任丁丑淵召太宰歡樂等入禁中受遺詔

輔政己卯淵卒

考異曰十六國春秋八月丁丑淵召太宰歡樂等受遺詔己卯卒辛未葬按

長曆七月壬戌朔十六日丁丑十八日己卯八月辛卯朔無丁丑己卯及辛未辛未乃九月十一日蓋淵以七

月卒九月葬十六國春秋誤也

太子和即位

和字玄泰淵之嫡子

和性猜忌無恩

宗正呼延攸翼之子也淵以其無才行終身不遷官侍

中劉乘素惡楚王聰衛尉西昌王銳恥不預顧命乃相

與謀說和曰先帝不惟輕重之勢使三王總彊兵於內

惟思也三王謂安昌王盛安邑王欽西陽王璿也或曰

三王謂齊王裕魯王隆北海王乂行下孟翻惡鳥路翻

說輪

大司馬擁十萬衆屯於近郊

謂聰屯平陽西也

陛下便為

寄坐耳

言大權非已出託位於臣民之上勢同寄寓也坐徂卧翻

宜早為之計和攸

之甥也深信之辛巳夜召安昌王盛安邑王欽等告之

盛曰先帝梓宮在殯四王未有逆節

聰淵之第四子故曰四王或曰謂聰

裕隆

一旦自相魚肉天下謂陛下何且大業甫爾陛下

勿信讒夫之言以疑兄弟兄弟尚不可信他人誰足

信哉攸銳怒之曰今日之議理無有二領軍是何言乎

命左右刃之盛既死欽懼曰惟陛下命壬午銳帥馬景

攻楚王聰于單于臺單音攸帥永安王安國攻齊王裕

于司徒府乘帥安邑王欽攻魯王隆使尚書田密武衛

將軍劉璿攻北海王义密璿挾义斬闕歸于聰聰命貫

甲以待之貫甲擐甲也銳知聰有備馳還與攸乘共攻

隆裕攸乘疑安國欽有異志殺之是日斬裕癸未斬隆

甲申聰攻西明門克之劉淵都平陽諸城門銳等走入

南宮前鋒隨之乙酉殺和於光極西室

劉淵起光極殿於平陽

收

銳攸乘梟首通衢

梟堅堯翻

羣臣請聰即帝位聰以北海王

乂單后之子也以位讓之

六國春秋作乂今從之考異曰載記作乂十乂涕

泣固請聰久而許之曰乂及羣公正以禍難尚殷貪孤

年長故耳

難乃旦翻長知兩翻

此家國之事孤何敢辭俟乂年長

當以大業歸之遂即位

聰字玄明淵第四子

大赦改元光興尊單

氏曰皇太后其母張氏曰帝太后以乂為皇太弟領大

單于大司徒其妻呼延氏為皇后呼延氏淵后之從父

妹也

從才用翻

封其子粲為河內王易為河間王翼為彭城

王悝為高平王

悝苦回翻

仍以粲為撫軍大將軍都督中外

諸軍事以石勒為并州刺史封汲郡公

略陽臨渭氏

苜蒲洪驍勇多權略羣氏畏服之

晉志略陽郡在臨渭縣蓋魏所置也載記

曰氏之先蓋有扈氏之苗裔世為西戎苜長洪家池中  
生蒲長五丈五節如竹形時咸謂之蒲家因以為氏其  
後洪以識文有草付應王又其孫  
堅背文有艸付字遂改姓苻氏

漢主聰遣使拜洪平

遠將軍洪不受自稱護氏校尉秦州刺史略陽公

蒲洪事始

此九月辛未葬漢主淵于永光陵謚曰光文皇帝廟



號高祖 雍州流民多在南陽詔書遣還鄉里流民以

關中荒殘皆不願歸征南將軍山簡南中郎將杜蕤各

遣兵送之促期令發京兆王如遂潛結壯士夜襲二軍

破之

二軍山簡及杜蕤所遣之軍也

於是馮翊嚴寔

寔魚力翻

京兆侯脫各

聚衆攻城鎮殺令長以應之

長知兩翻

未幾衆至四五萬

幾居

豈翻自號大將軍領司雍二州牧

雍於用翻

稱藩于漢

冬十

月漢河內王粲始安王曜及王彌帥衆四萬寇洛陽石

勒帥騎二萬會粲于大陽敗監軍裴邈于澠池

帥讀曰率敗補

邁翻下同  
澠彌充翻

遂長驅入洛川榮出轅轅掠梁陳汝潁間

轅音

還勒出成臯關

晉志河南成臯縣有關

壬寅圍陳留太守王讚於

倉垣為讚所敗退屯文石津

據帝紀文石津在河北又據永嘉六年勒自葛陂北

行至東燕使孔萇自文石津潛度枋頭取向

劉琨自

將討劉虎及白部

白部鮮卑也琨以劉虎及白部皆附漢故討之

遣使卑辭

厚禮說鮮卑拓拔猗盧以請兵

說輪芮翻

猗盧使其弟弗之

子鬱律帥騎二萬助之遂破劉虎白部屠其營琨與猗

盧結為兄弟表猗盧為大單于以代郡封之為代公時

代郡屬幽州王浚不許遣兵擊猗盧猗盧拒破之浚與  
琨由是有隙猗盧以封邑去國懸遠民不相接乃帥部  
落萬餘家自雲中入鴈門從琨求陁北之地

陁北石陁關之北也

陁音刑

琨不能制且欲倚之為援乃徙樓煩馬邑陰館繁

時塿五縣民於陁南

樓煩匈奴之所居其地在北河之南今嵐州樓煩郡非古樓煩也漢

馬邑則唐之大同軍是其地漢陰館縣在句注西北繁

時縣在武州川塿縣為北齊北顯州平冠縣今五縣雖

存皆非古縣地矣

以其地與猗盧

考異曰懷帝紀永嘉五年十一月猗盧寇

陁謂陁嶺陁音刑

太原劉琨徙五縣居之六年八月辛亥劉琨乞師于猗盧表盧為代公宋書索虜傳在永嘉三年晉春秋在永

嘉四年且云猗盧率萬餘家避難自雲中入鴈門後魏  
序紀在穆帝三年即永嘉四年也琨集永嘉四年六月  
癸巳上太傅府牋云盧感封代之恩故知在四年六月  
之前又琨與丞相牋曰昔車騎感猗色救州之勲表以  
代郡封邑為代公見聽時大駕在長安會值戎事道路  
不通竟未施行盧以封事見託琨實為表上追述車騎  
前意即蒙聽許遣兼謁者僕射拜盧賜印及符冊浚以  
此見責戎狄封華郡誠為失禮然蓋以救弊耳亦猶浚  
先以遼西封務勿廔此禮之失浚實啓之浚遂與盧爭  
代郡舉兵擊盧為所破紛錯之由始結於此鴈門郡有  
五縣在陁北盧新并廔官國甚彊盛從琨求陁北地以  
並遣三萬餘家散在五縣間既非所制又於琨殘弱之  
計得相聚集未為失宜即徙陁北五縣著陁南盧因移  
頗侵逼浚西陁圍塞諸軍營浚不復見恕危弱而見罪  
責以此觀之盧由是猗盧益盛琨遣使言於太傅越請  
非避難而來也

出兵共討劉聰石勒越忌苟晞及豫州刺史馮嵩

越晞有隙

事見上卷二年嵩蓋亦不心附越者

恐為後患不許琨乃謝猗盧之兵遣

歸國

考異曰後魏序紀曰劉琨乞師救洛穆帝遣步騎二萬助之東海王越以洛陽飢荒不許按琨與丞

相賤曰琨傾身竭辭北和猗盧遂引大衆躬啓戎行即具白太傅切陳愚見取賊之計聰宜時討勒不可縱而

宰相意異所慮不同更憂苟晞馮嵩之徒而稽二寇之誅遣使折抑挫臣銳氣臣即解甲遣盧衆歸國若猗盧

果遣衆赴洛琨賤安得不言也

劉虎收餘衆西度河居朔方肆盧川

肆

川在朔方塞內後拓拔氏於其地置肆盧郡真君七年併入秀容郡魏收地形志秀容郡秀容縣有肆盧城

漢主聰以虎宗室封樓煩公士子以劉琨為平北大將

軍王浚為司空進鮮卑段務勿塵為大單于

單音蟬

京

師饑困日甚太傅越遣使以羽檄徵天下兵使入援京

師帝謂使者曰為我語諸征鎮今日尚可救後則無及

矣既而卒無至者

為于偽翻語牛倨翻卒子恤翻

征南將軍山簡遣督

護王萬將兵入援軍于涅陽

涅陽縣屬南陽郡應劭曰在涅水之陽師古曰涅音

乃結

為王如所敗

敗補邁翻

如遂大掠沔漢進逼襄陽簡嬰

城自守荊州刺史王澄

澄時治江陵

自將欲援京師至沔口

水經注零水上通梁州沔陽縣東逕新城郡之沔鄉縣謂之沔水又東歷宜城西山謂之沔溪東流合於夷水

謂之汴口楊正  
衡曰汴音怡

聞簡敗衆散而還

還從宣翻  
又如字

朝議多欲

遷都以避難

朝直遙翻  
難乃旦翻

王衍以為不可賣車牛以安衆

心山簡為嚴寔所逼自襄陽徙屯夏口

夏戶  
雅翻

石勒引

兵濟河將趣南陽

趣七  
喻翻

王如侯脫嚴寔等聞之遣衆一

萬屯襄城以拒勒勒擊之盡俘其衆進屯宛北是時侯

脫據宛

宛於  
元翻

王如據穰

穰縣漢屬南陽  
郡晉屬義陽郡

如素與脫不協

遣使重賂勒結為兄弟說勒使攻脫

說輸  
芮翻

勒攻宛克之

嚴寔引兵救宛不及而降

降戶  
江翻

勒斬脫因寔送于平陽

盡并其衆遂南寇襄陽攻拔江西壘壁三十餘所

勒既南寇

襄陽循漢而下攻掠江西

還趣襄城王如遣弟瑀襲勒勒迎擊滅之

復屯江西

復扶又翻江西大江之西也趣七喻翻

太傅越既殺王延等

見上永嘉三年

大失衆望又以胡寇益盛內不自安乃戎服入

見

見賢遍翻

請討石勒且鎮集兗豫帝曰今石勒侵逼郊畿

人無固志朝廷社稷倚賴於公豈可遠出以孤根本對

曰臣出幸而破賊則國威可振猶愈於坐待困窮也十

一月甲戌越帥甲士四萬向許昌留妃裴氏世子毗及



龍驤將軍李惲右衛將軍何倫守衛京師

帥讀曰率  
惲於粉翻

防

察宮省以潘滔為河南尹摠留事越表以行臺自隨用

太尉行為軍司朝賢素望悉為佐吏名將勁卒咸入其

府

朝直遙翻  
將即亮翻

於是宮省無復守衛荒饑日甚殿內死人

交橫盜賊公行府寺營署並掘塹自守

塹七  
豐翻

越東屯項

以馮嵩為左司馬自領豫州牧竟陵王棼白帝遣兵襲

何倫不克帝委罪於棼棼逃竄得免

棼即東平王棼帝  
踐祚改封竟陵王

揚州都督周馥以洛陽孤危上書請遷都壽春太傅

越以馥不先白已而直上書大怒召馥及淮南太守裴

碩馥不肯行令碩帥兵先進

帥讀曰率

碩詐稱受越密旨襲

馥為馥所敗

敗補邁翻

退保東城

東城縣漢屬九江郡後漢屬下邳國晉屬淮南郡宋

白曰濠州定遠縣漢東城縣地

詔加張軌鎮西將軍都督隴右諸軍事

考異曰帝紀云安西將軍今從本傳

光祿大夫傳祇太

常摯虞遺軌書

遺于季翻

告以京師飢匱軌遣參軍杜勲獻

馬五百匹耗布三萬匹

耗布織耗為布也耗吐敢翻

成太傅驤攻

譙登於涪城羅尚子宇及參佐素惡登不給其糧

涪音浮惡

烏路

益州刺史皮素怒欲治其罪

治直翻

十二月素至巴

郡羅宇使人夜殺素建平都尉暴重殺宇巴郡亂驤知

登食盡援絕攻涪愈急士民皆熏鼠食之餓死甚衆無

一人離叛者驤子壽先在登所登乃歸之

永興元年羅尚掠得驤妻

及其子壽因在登所

三府官屬表巴東監軍南陽韓松為益州刺

史三府平西將軍府益州刺史府西戎校尉府皆羅尚兼領者也監古銜翻

治巴東初帝

以王彌石勒侵逼京畿詔苟晞督帥州郡討之

帥讀日率會

曹窺破琅邪

窺魚力翻

北收齊地兵勢甚盛苟純閉城自守

睢還救青州與寇連戰破之

永嘉元年荀晞討魏  
植留弟純守青州

是

歲寧州刺史王遜到官表李釗為朱提太守

朱提音  
銖時

時

寧州外逼於成內逼於石城邑丘墟遜惡衣菜食招集

離散勞來不倦

勞力到翻  
來力代翻

數年之間州境復安誅豪右

不奉灋者十餘家以五苓裔昔為亂首

見八十五卷惠  
帝太安二年苓

力丁翻

擊滅之

內外震服漢主聰自以越次而立忌其

嫡兄恭因恭寢穴其壁間刺而殺之

刺七  
亦翻

漢太后單

氏卒

單音  
善

漢主聰尊母張氏為皇太后單氏年少美色

聰丞焉

下淫上曰丞上淫下曰報少詩照翻

太弟義屢以為言單氏慙恚

而死

恚於避翻

義寵由是漸衰然以單氏故尚未之廢也呼

延后言於聰曰父死子繼古今常道陛下承高祖之業

劉淵廟號高祖

太弟何為者哉陛下百年後粲兄弟必無種矣

種章勇翻

聰曰然吾當徐思之呼延氏曰事留變生太弟見

粲兄弟浸長

長知兩翻下齒長同

必有不安之志萬一有小人交

構其間未必不禍發于今日也

言義將殺聰

聰心然之

為元帝建

武元年聰殺義張本

義舅光祿大夫單冲泣謂義曰踈不間親主

上有意於河內王矣殿下何不避之義曰河瑞之末主上

自惟嫡庶之分

問古覓翻分扶問翻惟思也

以大位讓義義以主上

齒長故相推奉天下者高祖之天下兄終弟及何為不

可粲兄弟既壯猶今日也且子弟之間親踈距幾主上

寧可有此意乎

聰讓義事見上又此言必不發於是年通鑑因呼延氏之言遂連書之幾居豈

翻

五年春正月壬申苟晞為曹窋所敗

敗補邁翻

棄城奔高平

高平縣舊屬梁國晉為高平國泗水逕其西有高平山  
山東西十里南北五里高四里其山最高頂上方平故

謂之高平山  
縣亦取名焉

石勒謀保據江漢參軍都尉張賓以為

不可會軍中饑疫死者大半乃渡沔寇江夏

夏戶雅翻

癸酉

拔之乙亥成太傅驤拔涪城

涪音浮

獲譙登太保始拔

巴西殺文石於是成主雄大赦改元玉衡譙登至成都

雄欲宥之登詞氣不屈雄殺之巴蜀流民布在荆湘

間數為土民所侵苦

數所角翻

蜀人李驤聚衆據樂鄉反

此又

一李驤也非成太傅之李驤

南平太守應詹與醴陵令杜弋共擊破

之

醴陵縣屬長沙郡弋土力翻

王澄使成都內史王機討驤

惠帝時蜀亂割

南郡之華容州陵監利三縣別立豐都一縣置成都郡為成都王穎國

驤請降

降戶江翻

澄偽

許而襲殺之以其妻子為賞沈八千餘人於江流民益

怨忿蜀人杜疇等復反

沈持林翻復扶又翻

湘州參軍馮素與蜀

人汝班有隙

汝姓也商有汝鳩汝方晉有汝寬汝齊

言於刺史荀眺曰已

蜀流民皆欲反眺信之

眺他弔翻

欲盡誅流民流民大懼四

五萬家一時俱反以杜弢州里重望

弢蜀郡人以身學著稱於西州弢他

刀翻共推為主弢自稱梁益二州牧領湘州刺史裴碩

求救於琅邪王睿睿使揚威將軍甘卓等攻周馥於壽



春馥衆潰奔項

考異曰帝紀戊寅睿使卓攻馥於壽春馥衆潰未知其為命卓之日與攻日

潰日故關之

豫州都督新蔡王確執之馥憂憤而卒確騰之

子也

揚州刺史劉陶卒琅邪王睿復以安東軍諮祭

酒王敦為揚州刺史尋加都督征討諸軍事

去年敦奔建業

庚辰平原王幹薨

二月石勒攻新蔡殺新蔡莊王確

於南頓進拔許昌殺平東將軍王康

氏苻成隗文復

叛

苻成等歸羅尚見八十五卷惠帝太安二年復扶又翻

自宜都趣巴東

趣七建喻翻

平都尉暴重討之重因殺韓松自領三府事東海孝

獻王越既與苟晞有隙

事始上卷永嘉二年

河南尹潘滔尚書劉

望等復從而譖之

復扶又翻

晞怒表求滔等首揚言司馬元

超為宰相不平

東海王超字元超

使天下淆亂苟道將豈可以

不義使之乃移檄諸州自稱功伐陳越罪狀帝亦惡越

專權多違詔命所留將士何倫等抄掠公卿逼辱公主

抄楚交翻

密賜晞手詔使討之晞數與帝文書往來

惡烏路翻數所

角翻越疑之使遊騎於成臯間伺之

騎奇寄翻下同伺相吏翻

果獲晞

使及詔書

使疏吏翻

乃下檄罪狀晞以從事中郎楊瑁為兗

州刺史

瑁莫報翻

使與徐州刺史裴盾共討晞

盾徒損翻

晞遣騎

收潘滔滔夜遁得免執尚書劉曾侍中程延斬之越憂

憤成疾以後事付王衍三月丙子薨于項

考異曰帝紀五年正月

帝密詔荀晞討越乙未越遣楊瑁裴盾共擊晞三月戊午詔下越罪狀告方鎮討之以晞為大將軍丙子越薨

晞傳晞移告諸州陳越罪狀帝惡越專權乃詔晞施檄六州協同大舉晞移諸征鎮帝又密詔晞討越晞復上

表稱李初至奉被手詔卷甲長驅次于倉垣五年帝復詔晞陳越罪惡詔至之日宣告天下率齊大舉晞表稱

輒遣王讚將兵詣項越使騎於成臯間獲晞使遂大構嫌隙晉春秋五年正月上遣李初詔晞討越按越若已

得晞使則帝亦不能自安潘滔何倫等不容晏然在洛且滔等未去帝亦不敢明言使晞討越年月事迹既前

後參差如此今並置於越薨之時庶為不失

秘不發喪衆共推行為元帥

帥所

類行不敢當以讓襄陽王範範亦不受範瑋之子也於

是衍等相與奉越喪還葬東海何倫李憚等聞越薨奉

裴妃及世子毗自洛陽東走城中士民爭隨之帝追貶

越為縣主以苟晞為大將軍大都督督青徐兗豫荆揚

六州諸軍事益州將吏共殺暴重表巴郡太守張羅

行三府事羅與隗文等戰死文等驅掠吏民西降於成

降戶江翻三府文武共表平西司馬蜀郡王異行三府事

益州

殘兵自不足以進取未及暮年而五易帥適為秦氏兼并之資耳

領巴郡太守 初梁

州刺史張光會諸郡守於魏興共謀進取張燕唱言漢

中荒敗迫近大賊

近其  
斬翻

克復之事當俟英雄光以燕受

鄧定賂致失漢中

事見上卷  
永嘉元年

今復沮衆

復扶又翻  
沮雍呂翻

呵出

斬之治兵進戰

呵虎何翻  
治直之翻

累年乃得至漢中綏撫荒殘

百姓悅服

光為梁州刺史  
見上卷二年

夏四月石勒率輕騎追太

傅越之喪及於苦縣甯平城

苦縣屬陳郡水經註甯平城在沙水北本前漢淮陽

國之寧平縣也後漢改淮陽為陳國晉省寧平縣而故城猶在賢曰寧平故城在今亳州谷陽縣西南騎奇寄

翻下大敗晉兵縱騎圍而射之敗補邁翻射而亦翻將士十餘萬

人相踐如山無一人得免者執太尉衍襄陽王範任城

王濟武陵莊王澹任音壬澹徒覽翻又徒濫翻西河王喜梁懷王禧

齊王超西河王喜宣帝弟西河繆王斌之後超齊王同之子吏部尚書劉望廷尉

諸葛銓豫州刺史劉喬太傅長史庾敳等敳魚開翻坐之幕

下問以晉故衍具陳禍敗之由云計不在已且自言少

無官情不豫世事因勸勒稱尊號冀以自免勒曰君少

壯登朝名蓋四海身居重任何得言無官情邪破壞天

下非君而誰

少詩照翻  
壞音怪

命左右扶出衆人畏死多自陳

述獨襄陽王範神色儼然顧呵之曰今日之事何復紛

紘

復扶  
又翻

勒謂孔萇曰吾行天下多矣未嘗見此輩人當

可存乎

勒欲存之以諸人  
儀觀之清楚耳

萇曰彼皆晉之王公終不為

吾用勒曰雖然要不可加以鋒刃夜使人排牆殺之濟

宣帝弟子景王陵之子禧澹之子也剖越柩焚其尸曰

亂天下者此人也吾為天下報之故焚其骨以告天地

何倫等至洧倉

水經洧水東南過潁川長社縣分一枝  
東流過許昌縣又東入洧倉城內俗以

是水為汶水故有汶倉之名蓋汶水之邸閣耳

遇勒戰敗東海世子及宗室四

十八王皆沒於勒

考異曰東海王越傳云三十六王今從帝紀

何倫犇下邳

李憚犇廣宗

憚於粉翻

裴妃為人所掠賣久之渡江初琅邪

王睿之鎮建業裴妃意也故睿德之厚加存撫以其子

冲繼越後

漢趙固王桑攻裴盾殺之

盾時在彭城盾徒損翻

杜弢攻長沙五月荀眺棄城奔廣州弢追擒之於是弢

南破零桂東掠武昌殺二千石長吏甚衆

弢土刀翻

以太

子太傅傳祇為司徒尚書令荀藩為司空加王浚大司



馬侍中大都督督幽冀諸軍事南陽王模為太尉大都

督張軌為車騎大將軍琅邪王睿為鎮東大將軍兼督

揚江湘交廣五州諸軍事初太傅越以南陽王模不能

綏撫關中

時關中飢荒疾癘盜賊公行模不能制

表徵為司空將軍淳于

定說模使不就徵

說輸芮翻

模從之表遣世子保為平西中

郎將鎮上邽秦州刺史裴苞拒之模使帳下都尉陳安

攻苞苞犇安定太守賈疋納之

疋音雅

苟晞表請遷都

倉垣使從事中郎劉會將船數十艘

艘蘇刀翻

宿衛五百人

穀千斛迎帝帝將從之公卿猶豫左右戀資財遂不果

行既而洛陽饑困人相食百官流亡者什八九帝召公

卿議將行而衛從不備

從才用翻下導從同

帝撫手歎曰如何曾

無車輿乃使傳祇出詣河陰治舟楫

河陰本漢平陰縣魏文帝改曰河陰

在洛陽東北屬河南郡治直之翻

朝士數十人導從

從才用翻

帝步出西掖

門至銅駝街

水經註洛陽城中太尉司徒兩坊間謂之銅駝街魏明帝置銅駝於閭闔南街即此

陸機洛陽記曰洛陽有銅駝街漢鑄銅駝二枚在宮南四會道相對俗語曰金馬門外集衆賢銅駝陌上集少

年為盜所掠不得進而還

藉使帝得至倉垣亦遺石勒禽矣

度支校尉

東郡魏浚率流民數百家保河陰之峽石

水經註河南新安縣東有

千秋亭亭東有雍谷溪回岫縈紆石路阻峽故亦有峽石之稱

時劫掠得穀麥獻之帝

以為揚威將軍平陽太守度支如故

度徒洛翻

漢主聰使

前軍大將軍呼延晏將兵二萬七千寇洛陽北及河南

河南縣屬河南尹周東都王城邾鄆也比必寐翻

晉兵前後十二敗死者三萬

餘人始安王曜王彌石勒皆引兵會之未至晏留輜重

於張方故壘

張方故壘在洛陽西七里重直用翻

癸未先至洛陽甲申攻

平昌門

平昌門洛城南面東頭第一門

丙戌克之遂焚東陽門及諸府

寺六月丁未朔晏以外繼不至俘掠而去帝具舟於洛水將東走晏盡焚之庚寅荀藩及弟光祿大夫組奔轅

轅

轅音環

辛卯王彌至宣陽門

宣陽門洛城南面東來第四門亦謂之諺門

壬

辰始安王曜至西明門丁酉王彌呼延晏克宣陽門入南宮升太極前殿縱兵大掠悉收宮人珍寶帝出華林園門欲奔長安漢兵追執之幽於端門曜自西明門入屯武庫戌戌曜殺太子詮吳孝王晏竟陵王棼右僕射曹馥尚書問丘冲河南尹劉默等士民死者三萬餘人

遂發掘諸陵焚宮廟官府皆盡曜納惠帝羊皇后遷帝

及六璽於平陽

璽斯氏翻

石勒引兵出轅轅屯許昌光祿大

夫劉蕃尚書盧志并州

從劉琨也蕃琨之父也

丁未漢主聰大

赦改元嘉平以帝為特進左光祿大夫封平阿公

異曰考

帝紀聰以帝為會稽公載記三十國春秋云平阿公晉春秋云平河公河字蓋誤十六國三十國晉春秋明年二月乃封帝會稽公蓋先封平阿後進會稽帝紀闕略今從諸書以侍中庾珉王雋為

光祿大夫珉數之兄也

數魚開翻

初始安王曜以王彌不待

已至先入洛陽怨之彌說曜曰

說輪芮翻

洛陽天下之

中山河四塞城池宮室不假修營宜白主上自平陽徙

都之曜以天下未定洛陽四面受敵不可守不用彌策

而焚之彌罵曰屠各子豈有帝王之意邪

晉書曰北狄以部落為類

其入居塞內者有屠各等十九種皆有部落不相雜錯屠各最豪貴故得為單于統理諸種屠各直於翻杜佑曰

頭曼冒頓即屠各種也

遂與曜有隙引兵東屯項關

陳郡項縣有項關

前

司隸校尉劉暉說彌曰

暉他昆翻

今九州糜沸羣雄競逐將

軍於漢建不世之功又與始安王相失將何以自容不

如東據本州

彌青州東萊人

徐觀天下之勢上可以混壹四海

下不失鼎峙之業策之上者也彌心然之司徒傅祗

建行臺於河陰司空荀藩在陽城

陽城縣漢屬潁川郡晉屬河南郡

河

南尹華薈在城皋汝陰太守平陽李矩為之立屋輸穀

以給之薈歆之曾孫也

華戶化翻汝陰縣漢屬汝南郡魏分置汝陰郡後廢武帝泰始

二年復為郡薈烏外翻為于偽翻

藩與弟組族子中護軍崧薈與弟中

領軍恒建行臺於密

密縣漢屬河南郡晉屬滎陽郡

傳檄四方推琅邪

王睿為盟主藩承制以崧為襄城太守矩為滎陽太守

前冠軍將軍河南褚翼為梁國內史

冠古玩翻翼山立翻又所甲翻揚

威將軍魏浚屯洛北石梁塢劉琨承制假浚河南尹浚

詣荀藩諮謀軍事藩邀李矩同會矩夜赴之矩官屬皆

曰浚不可信不宜夜往矩曰忠臣同心何所疑乎遂往

相與結歡而去浚族子該聚衆據一泉塢

水經註洛水過盧氏縣南

又東逕一合塢南城在川北原上高二十丈南北東三

箱天險峭絕惟築四面即為全固一合之名起於是矣

劉曜之攻河南也晉將軍魏該

奔於此該傳曰一泉塢在宜陽藩以為武威將軍

沈約志魏

置將軍四十號威武第十無武威

豫章王端太子詮之弟也

詮且緣翻

東奔

倉垣荀晞率羣官奉以為皇太子置行臺端承制以晞



領太子太傅都督中外諸軍錄尚書事自倉垣徙屯蒙

城

蒙縣屬梁國

撫軍將軍秦王業吳孝王之子荀藩之甥也

年十二南奔密

考異曰晉書愍帝諱鄴又改建鄴為建康按三十國晉春秋愍帝名子業或

作業又吳志孫權改秣陵為建業取興建基業為名皆不為鄴字今從之藩等奉之南趣許

昌

趣七喻翻

前豫州刺史天水閭鼎聚西州流民數千人於

密欲還鄉里荀藩以鼎有才而擁衆用鼎為豫州刺史

以中書令李紆

紆居登翻傳作李恒

今從王浚傳

司徒左長史

彭城劉疇鎮軍長史周顗

東海王越子毗為鎮軍將軍以顗為長史顗魚豈翻

司

馬李述等為之參佐顓浚之子也時海內大亂獨江東  
差安中國士民避亂者多南渡江鎮東司馬王導說琅  
邪王睿收其賢俊與之共事睿從之辟掾屬百餘人自漢

以來公府有掾有屬職官分紀曰掾屬當敦明信義肅  
清風俗非禮不言非法不行以訓羣吏說輸芮翻掾以

絹翻時人謂之百六掾以前潁川太守勃海刁協為軍  
下同

詔祭酒前東海太守王承廣陵相卞壺為從事中郎江

寧令諸葛恢

壺苦本翻吳孫權改秣陵為建業晉平吳  
復曰秣陵武帝太康二年分秣陵立江寧

縣歷陽參軍陳國陳顗為行參軍

顗居  
筠翻

前太傅掾庾亮

為西曹掾承渾之弟子恢靚之子

靚疾正翻

亮亮之弟子也

江州刺史華軼

華戶化翻軼音逸

歆之曾孫也自以受朝廷

之命

軼永嘉中除江州

而為琅邪王睿所督多不受其教令郡

縣多諫之軼曰吾欲見詔書耳及睿承荀藩檄承制署

置官司改易長吏

長知兩翻

軼與豫州刺史裴憲皆不從命

睿遣揚州刺史王敦歷陽內史甘卓與揚烈將軍廬江

周訪合兵擊軼軼兵敗奔安成

吳孫皓寶鼎二年分豫章廬陵長沙立安成郡

宋白曰吉州安福縣本漢安成縣今縣西六十里有安成故城

訪追斬之及其五子裴

憲犇幽州睿以甘卓為湘州刺史周訪為尋陽太守又

以揚武將軍陶侃為武昌太守

吳孫權改鄂曰武昌晉武帝太康元年復立鄂

縣而武昌如故改吳之江夏曰武昌郡漢尋陽縣屬廬江郡其地在江北惠帝永興元年分廬江武昌立尋陽

郡治豫章之柴桑尋陽遂在江南

秋七月王浚設壇告類

告類祭也

天及五帝也

立皇太子

考異曰晉書初無其名劉琨與丞相賤曰浚設壇場有所建立稱皇太子

不知為誰

布告天下稱受中詔承制封拜備置百官列署征

鎮以荀藩為太尉琅邪王睿為大將軍浚自領尚書令

以裴憲及其壻棗嵩為尚書以田徽為兖州刺史李憚

為青州刺史

惲於粉翻

南陽王模使牙門趙染戍蒲坂

劉聰

在平陽欲窺關中蒲坂兵衝也坂音反

染求馮翊太守不得而怒帥眾降

漢

帥讀曰率降戶江翻

漢主聰以染為平西將軍八月聰遣染與

安西將軍劉雅帥騎二萬攻模于長安河內王粲始安

王曜帥大眾繼之染敗模兵於潼關長驅至下邳

敗補邁翻

下邳縣前漢屬京兆後漢省併入鄭縣桓帝復置晉屬馮翊郡應劭曰有上邳故稱下秦武公伐邾戎置宋白曰四夷縣道記下邳縣東南二十五里涼州將北宮純有下邳故城在渭水北師古曰邾音圭

自長安帥其眾降漢

將即亮翻

漢兵圍長安模遣淳于定出

戰而敗模倉庫虛竭士卒離散遂降於漢趙染送模於

河內王粲九月粲殺模

考異曰帝紀八月模遇害按劉琨上丞相牋曰平昌以九月

遇禍世子時鎮隴右關西飢饉白骨蔽野士民存者百  
故得無恙今以為據

無一二聰以始安王曜為車騎大將軍雍州牧更封中

山王鎮長安

雍於用翻

以王彌為大將軍封齊公 苟晞驕

奢苛暴前遼西太守閻亨續之子也數諫晞晞殺之

數所

角翻從事中郎明預有疾

姓譜明秦大夫孟明之後為平原望姓

自舉入諫

晞怒曰我殺閻亨何關人事而輿病罵我

輿羊如翻

預曰明

公以禮待預故預以禮自盡今明公怒預其如遠近怒  
明公何桀為天子猶以驕暴而亡況人臣乎願明公且  
置是怒思預之言晞不從由是衆心離怨加以疾疫饑  
饉石勒攻王讚於陽夏擒之

陽夏縣屬陳郡夏音賈

遂襲蒙城執晞

及豫章王端鎖晞頸以為左司馬漢主聰拜勒幽州牧

王彌與勒外相親而內相忌劉暉說彌使召曹窺之兵

以圖勒

說輸芮翻

彌為書使暉召窺且邀勒共向青州暉至

東阿

東阿縣屬漢屬東郡晉屬濟北國

勒游騎獲之勒潛殺暉而彌不知

會彌將徐邈高梁輒引所部兵去彌兵漸衰

將即亮翻

彌聞

勒擒苟晞心惡之

惡鳥路翻

以書賀勒曰公獲苟晞而用之何

其神也使晞為公左彌為公右天下不足定也勒謂張

賓曰王公位重而言卑其圖我必矣賓因勸勒乘彌小

衰誘而取之

誘音西

時勒方與乞活陳午相攻於蓬關

蓬關

在陳留浚儀縣班志曰蓬澤在河南開封縣東北臣瓚曰今浚儀有蓬陂是也

彌亦與劉瑞相

持甚急彌請救於勒勒未之許張賓曰公常恐不得王

公之便今天以王公授我矣陳午小豎不足憂王公人



傑當早除之勒乃引兵擊瑞斬之彌大喜謂勒實親已

不復疑也冬十月勒請彌燕于已吾

已吾縣後漢屬陳留郡魏晉省陳留

風俗傳曰縣故宋地雜以陳楚之地故梁國寧陵縣之徒種龍鄉也以成哀之世戶至八九千冠帶之士求置

縣永元十一年陳王削地以大棘鄉直陽鄉闕自鴈隸之命以嘉名曰已吾猶有陳楚之俗焉

彌將

往長史張嵩諫不聽酒酣勒手斬彌而并其衆表漢主

聰稱彌叛逆聰大怒遣使讓勒專害公輔有無君之心

然猶加勒鎮東大將軍督并幽二州諸軍事領并州刺

史以慰其心苟晞王讚潛謀叛勒勒殺之并晞弟純勒

引兵掠豫州諸郡臨江而還

還從宣翻又如字

屯于葛陂

續漢書郡

國志汝南郡鮦陽縣有葛陂賢曰葛陂在今豫州新蔡縣西北

初勒之為人所掠賣也

事見上卷惠帝永興二年

與其母王氏相失劉琨得之并其從子虎

送於勒因遺勒書曰

從才用翻遺于季翻下同

將軍用兵如神所向

無敵所以周流天下而無容足之地百戰百勝而無尺

寸之功者蓋得主則為義兵附逆則為賊衆故也成敗

之數有似呼吸吹之則寒噓之則溫今相授侍中車騎

大將軍領護匈奴中郎將襄城郡公將軍其受之勒報

書曰事功殊途非腐儒所知君當選節本朝吾自夷難

為効

勒書意度雄爽此必張賓為之難乃旦翻

遺琨名馬珍寶厚禮其使謝

而絕之時虎年十七殘忍無度為軍中患勒白母曰此

兒凶暴無賴

應劭曰賴者恃也晉灼曰許慎曰賴利也無利入於家也或曰江淮之間謂小兒多

詐狡獪為無賴師古曰晉說是也

使軍人殺之聲名可惜不若自除之

母曰快牛為犢多能破車汝小忍之及長便弓馬勇冠

當時勒以為征虜將軍每屠城邑鮮有遺類

長知兩翻冠古玩翻

鮮息淺翻

然御衆嚴而不煩莫敢犯者指授攻討所向無前

勒遂寵任之

石虎始此為虎誅夷勒諸子張本

勒攻滎陽太守李矩矩

擊却之

初南陽王模以從事中郎索綝為馮翊太守

綝靖之子也模死綝與安夷護軍金城麴允頻陽令梁

肅俱奔安定

索昔各翻姓也綝丑林翻頻陽縣屬馮翊郡秦厲公置應劭曰在頻水之陽杜佑曰

京北同官縣漢祿相縣晉為頻陽縣時綝等自京北南山犇安定安夷護軍蓋亦置司於長安時安定

太守賈疋與諸氐羌皆送任子於漢綝等遇之於陰密

擁還臨涇

陰密縣屬安定郡商之密國詩所謂密人不恭敢距大邦者也臨涇縣時為安定郡治所

與疋謀興復晉室疋從之乃共推疋為平西將軍率眾

五萬向長安雍州刺史麴特新平太守竺恢皆不降於

漢

特與恢同守新平雍於用翻

聞足起兵與扶風太守梁綜帥衆十

萬會之

帥讀曰率

綜肅之兄也漢河內王粲在新豐使其將

劉雅趙染攻新平不克索綝救新平大小百戰雅等敗

退中山王曜與足等戰於黃丘

黃丘在馮翊雲陽縣黃嶽山下

曜衆大

敗足遂襲漢梁州刺史彭蕩仲殺之

蕩仲安定盧水胡也據後蕩仲子天

護漢以為涼州刺史此梁當作涼

麴特等擊破粲於新豐粲還平陽於

是足等兵勢大振闕西胡晉翕然響應閭鼎欲奉秦王

業入關據長安以號令四方河陰令傅暢祗之子也亦

以書勸之鼎遂行荀藩劉疇周顗李述等皆山東人不

欲西行中塗逃散鼎遣兵追之不及殺李緝等緝居鼎登翻

與業自宛趣武關遇盜於上洛上洛縣漢屬弘農郡漢元鼎四年置居洛水上

因以為名晉初改為京北南部武帝泰始二年分京北南部置上洛郡杜佑曰上洛漢長利縣宛於元翻趣七

喻翻士卒敗散收其餘衆進至藍田使人告賈疋疋遣兵

迎之十二月入于雍城雍於用翻使梁綜將兵衛之周顗奔

琅邪王睿睿以顗為軍諮祭酒前騎都尉譙國桓彝亦

避亂過江見睿微弱謂顓曰我以中州多故來此求全

而單弱如此將何以濟既而見王導共論世事退謂顓

曰向見管夷吾無復憂矣

以王導比管仲也

諸名士相與登新

亭遊宴

金陵覽古曰新亭在江寧縣十里近臨江渚按新亭蓋近勞勞亭

周顓中坐歎

曰風景不殊舉目有江河之異

言洛都遊宴多在河濱而新亭臨江渚也坐徂

卧翻因相視流涕王導愀然變色曰

七愀小翻

當共戮力王室

克復神州

戰國時騶衍以為中國者於天下乃八十一分居其一分耳中國名曰赤縣神州赤縣神

州內自有九州禹之所序九州是也孔穎達曰按地統書括地象云地中央曰崑崙又云其東南方五十里曰

神州以此言之崑崙在西北別統四方九州其神州者是崑崙東南一州耳於一州中更分九州則禹貢之九州是也又隋祭北郊有神州迎州冀州戎州拾州桂州宮州咸州揚州從祀其崑崙所統之四方九州歟何

至作楚囚對泣邪衆皆收淚謝之陳顯遺王導書曰

紆顯

倫翻又  
居筠翻

中華所以傾弊者正以取才失所先白望而後

實事

白望猶虛名也

浮競驅馳互相貢薦言重者先顯言輕者

後叙遂相波扇

以水為譬也波者水之動也風起則波生相扇而動

乃至陵遲加

有莊老之俗傾惑朝廷養望者為弘雅政事者為俗人

王職不卹灋物墜喪

喪息浪翻

夫欲制遠先由近始今宜改



張

漢董仲舒論政曰譬猶琴瑟必改而更張之乃可鼓也

明賞信罰拔卓茂於密

縣

事見四十卷漢光武建武元年

顯朱邑於桐鄉

朱邑為舒桐鄉嗇夫廉平不苛以愛利為

行漢宣帝舉而用之官至大司農

然後大業可舉中興可冀耳導不能

從 劉琨長於招懷而短於撫御一日之中雖歸者數

千而去者亦相繼琨遣子遵請兵於代公猗盧又遣族

人高陽內史希合衆於中山幽州所統代郡上谷廣甯

之民多歸之

廣甯縣漢屬上谷郡晉武帝太康中分立廣甯郡唐屬媯州界

衆至三萬

王浚怒遣燕相胡矩督諸軍

燕於賢翻相息亮翻

與遼西公段疾

陸眷共攻希殺之驅略三郡士女而去疾六眷務勿塵

之子也猗盧遣其子六修將兵助琨戍新興

考異曰晉春秋作

利孫按利孫即六修也胡語訛轉焉耳余按孔穎達曰聲相近者聲轉字異

琨牙門將邢延

以碧石獻琨琨以與六修六修復就延求之

復扶又翻

不得

執延妻子延怒以所部兵襲六修六修走延遂以新興附

漢請兵以攻并州

李臻之死也

事見上永嘉三年

遼東附塞

鮮卑素喜連木九津託為臻報仇

素喜連木九津二部也為于偽翻

攻

陷諸縣殺掠士民屢敗郡兵

敗補邁翻

連年為寇東夷校尉

封釋不能討請與連和連津不從民失業歸慕容廆者

甚衆廆稟給遣還願留者即撫存之廆少子鷹揚將軍

翰

廆戶罪翻據載記翰於魃為庶兄魃廆第三子則翰非少子也少詩照翻

言於廆曰自古

有為之君莫不尊天子以從民望成大業今連津外以

龐本為名內實幸災為亂封使君已誅本請和

誅龐本見上永

嘉三年廆皮江翻

而寇暴不已中原離亂州師不振

州師謂平州之兵東

夷校尉所統者是也

遼東荒散莫之救恤單于不若數其罪而討

之

廆自稱鮮卑大單于

上則興復遼東下則并吞二部

二部謂素喜連及木

也九津

忠義彰於本朝

朝直遙翻

私利歸於我國此霸王之基

也。庖笑曰：孺子乃能及此乎？遂帥衆東擊連津。

帥讀曰率

以

翰為前鋒，破斬之，盡併二部之衆，得所掠民三千餘家。

及前歸庖者，悉以付郡。遼東賴以復存。

復扶又翻

封釋疾病

屬其孫奕於庖。

屬之欲翻

釋卒庖召奕與語，說之曰：「奇士也。」

補小都督，釋子冀州主簿。俊幽州參軍，抽來奔喪。

說與悅同

俊丑緣翻又七倫翻

庖見之曰：「此家扞扞千斤捷也。」

扞羽敏翻說文從高而下

也。捷居言翻，犗牛也。言千斤之捷。人間不可多得。若從天而下也。

以道不通，喪不得還。

皆留仕麴鹿以抽為長史俊為參軍


史言封氏諸子遂為慕容佐命之臣

王浚以妻舅崔毖為東夷校尉毖琰之曾孫也

為毖與慕容氏

構怨張本崔琰  
事曹公毖音祕

資治通鑑卷八十七



總校官庶吉士臣侍朝

校對官檢討臣王坦修

謄錄監生臣梅德

欽定四庫全書薈要

史部

資治通鑑卷八十八

九



詳校官編修臣汪鏞

欽定四庫全書叢要卷七千七十四

史部

資治通鑑卷八十八

宋司馬光撰

胡三省音註



紀十

起玄默泥難盡昭陽作靈凡二年

孝懷皇帝下

永嘉六年春正月漢呼延后卒諡曰武元 漢鎮北將

軍靳冲平北將軍卜珣寇并州

靳居焮翻姓也珣况羽翻

辛未圍晉

陽 甲戌漢主聰以司空王育尚書令任顗女為左右



昭儀

任音士顛  
魚豈翻

中軍大將軍王彰中書監范隆左僕射

馬景女皆為夫人右僕射朱紀女為貴妃皆金印紫綬

綬音受

聰將納太保劉殷女太弟義固諫聰以問太宰延

年太傅景皆曰太保自云劉康公之後與陛下殊源

劉康

公周之卿士食采於劉其後因以為氏劉聰  
匈奴之後以漢之甥冒姓劉氏故云殊源

納之何害

聰悅拜殷二女英娥為左右貴嬪位在昭儀上

嬪毗  
賓翻又

納殷女孫四人皆為貴人位次貴妃於是六劉之寵傾

後宮聰希復出外

復扶  
又翻

事皆中黃門奏決

故新野王

歆牙門將胡亢聚衆於竟陵

亢音剛

自號楚公寇掠荆土

以歆南蠻司馬新野杜曾為竟陵太守曾勇冠三軍能

被甲游於水中

為曾亂荊州張本冠古玩翻被皮義翻

二月壬子朔日

有食之石勒築壘於葛陂

皇覽曰汝南郡鮑陽縣有葛陂賢曰葛陂在今豫州

新蔡縣西北

課農造舟將攻建業琅邪王睿大集江南之衆

於壽春以鎮東長史紀瞻為揚威將軍都督諸軍以討

之睿為鎮東大將軍署瞻長史

會大雨三月不止勒軍中飢疫死者

大半聞晉軍將至集將佐議之右長史刁廌請先送款

於睿求掃平河朔以自贖俟其軍退徐更圖之勒愀然

長嘯

愀子小翻

中堅將軍夔安請就高避水

中堅將軍蓋石勒所置姓譜夔

姓春秋夔子之後

勒曰將軍何怯邪孔萇等三十餘將請各將

兵分道夜攻壽春斬吳將頭據其城食其粟要以今年

破丹陽定江南勒笑曰是勇將之計也

言其不逆計勝敗但勇於赴敵

耳將即亮翻

各賜鎧馬一疋

鎧可亥翻疋僻吉翻

顧謂張賓曰於君意

何如賓曰將軍攻陷京師囚執天子殺害王公妻略妃

主擢將軍之髮不足以數將軍之罪

擢拔也拔其髮以數其罪猶不足言

其罪多也  
數所具翻

奈何復相臣奉乎

復扶又翻

去年既殺王彌不當

來此今天降霖雨於數百里中示將軍不應留此也鄴

有三臺之固

水經註鄴城西北有三臺皆因城為之基  
漢建安十五年魏武所起中曰銅臺高十

丈其後石虎更增二丈南則金雀臺高八丈北則水井臺亦高八丈

西接平陽

謂近漢都可以壯聲

援山河四塞宜北徙據之以經營河北河北既定天下

無處將軍之右者矣

處昌呂翻

晉之保壽春畏將軍往攻之

耳彼聞吾去喜於自全何暇追襲吾後為吾不利邪

自古

國於東南率多為自保之計亦自量其力之不足以進也賓料之審矣

將軍宜使輜重從

北道先發將軍引大兵向壽春輜重既遠

重直用翻

大兵徐

還何憂進退無地乎勒攘袂鼓髯曰張君計是也責刁

膺曰君既相輔佐當共成大功奈何遽勸孤降

降戶江翻此

策應斬然素知君怯特相宥耳於是黜膺為將軍擢賓

為右長史號曰右侯勒引兵發葛陂遣石虎帥騎二千

向壽春

帥讀曰率騎奇寄翻

遇晉運船虎將士爭取之為紀瞻所

敗

敗補邁翻

瞻追奔百里前及勒軍勒結陳待之

陳讀曰陣

瞻不

敢擊退還壽春漢主聰封帝為會稽郡公

會工外翻

加儀

同三司聽從容謂帝曰卿昔為豫章王朕與王武子造

卿武子稱朕於卿

從于容翻王濟字武子造七到翻

卿言聞其名久矣

贈朕柘弓銀研

研與硯同

卿頗記否帝曰臣安敢忘之但恨

爾日不早識龍顏聰曰卿家骨肉何相殘如此帝曰大

漢將應天受命故為陛下自相驅除

偽為于此

殆天意非

人事也且臣家若能奉武皇帝之業九族敦睦陛下何

由得之聰喜以小劉貴人妻帝

妻七細翻

曰此名公之孫也

卿善遇之代公猗盧遣兵救晉陽三月乙未漢兵敗

走卜珣之卒先奔斬冲擅收珣斬之聰大怒遣使持節

斬冲

使疏吏翻

聰納其舅子輔漢將軍張寔二女徽光麗

光為貴人

此別一張寔非河西張軌之子

太后張氏之意也

張氏淵之側室生聰

尊為太后

涼州主簿馬鮪說張軌

鮪符方翻說輸芮翻

宜命將出師

翼戴帝室軌從之馳檄關中共尊輔秦王且言今遣前

鋒督護宋配帥步騎二萬徑趨長安

帥讀曰率超七喻翻

西中郎

將寔帥中軍三萬武威太守張璠帥胡騎二萬絡繹繼

發

璠它典翻絡繹相繼不絕之意

夏四月丙寅征南將軍山簡卒

漢主聰封其子敷為渤海王驥為濟南王鸞為燕王鴻

為楚王勣為齊王

勣音邁

權為秦王操為魏王持為趙王

聰以魚蟹不供斬左都水使者襄陵王攄

襄陵縣漢屬河東郡

晉屬平陽郡觀後所謂並斬王公則攄亦劉氏也攄抽居翻

作溫明微光二殿未成

斬將作大匠望都公靳陵觀漁於汾水昏夜不歸中軍

大將軍王彰諫曰比觀陛下所為臣實痛心疾首

比毗至翻

今愚民歸漢之志未專思晉之心猶盛劉琨咫尺刺客

縱橫

謂平陽去晉陽不遠也縱子容翻

帝王輕出一夫敵耳願陛下改



往修來則億兆幸甚聰大怒命斬之王夫人叩頭乞哀

乃囚之

王夫人  
彭女也

太后張氏以聰刑罰過差三日不食太

弟義單于朶輿觀切諫聰怒曰吾豈桀紂而汝輩生來

哭人太宰延年太保殷等公卿列侯百餘人皆免冠涕

泣曰陛下功高德厚曠世少比

少詩  
沿翻

往也唐虞今則陛下

而頃來以小小不供亟斬王公直言忤旨遽囚大將王

謂劉摠  
斬陵大將謂王  
彭亟欺冀翻忤五故翻

此臣等竊所未解

解戶買  
翻曉也

故相

與憂之忘寢與食聰慨然曰朕昨大醉非其本心微公

等言之朕不聞過各賜帛百匹使侍中持節赦彰曰先帝賴君如左右手君著勲再世朕敢忘之此段之過希君蕩然君能盡懷憂國朕所望也今進君驃騎將軍定

襄郡公

驃匹妙翻

後有不逮幸數匡之

數所角翻

王彌既死

見事

上卷

漢安北將軍趙固平北將軍王桑恐為石勒所并

欲引兵歸平陽軍中乏糧士卒相食乃自破礲津西渡

破丘交翻  
礲牛交翻

劉琨以兄子演為魏郡太守鎮鄴桑恐演邀

之遣長史臨深為質於琨

姓譜臨姓大臨  
之後質音致

琨以固為雍

州刺史

雍於用翻下同

桑為豫州刺史

賈疋等圍長安數月

漢中山王曜連戰皆敗驅掠士女八萬餘口降于平陽

秦王業自雍入于長安

雍於用翻

五月漢主聰貶曜為龍驤

大將軍行大司馬

驤思將翻

聰使河內王粲攻傳祗於三渚

據祗傳祗屯盟津小城盟津河平侯祠有二渚又有洶渚故亦曰三渚

右將軍劉參攻郭

默於懷會祗病薨城陷粲遷祗子孫并其士民二萬餘

戶于平陽 六月漢主聰欲立貴嬪劉英為皇后張太

后欲立貴人張微光聰不得已許之英尋卒 漢大昌

文獻公劉殷卒

宋白曰隰州隰川縣漢蒲子縣劉淵僭亂置大昌郡

殷為相不犯

顏忤旨

忤五故翻

然因事進規補益甚多漢主聰每與羣臣

議政事殷無所是非羣臣出殷獨留為聰敷暢條理商

權事宜

商度也權者舉其略也為于偽翻權古岳翻

聰未嘗不從之殷常戒

子孫曰事君當務幾諫凡人尚不可面斥其過况萬乘

乎夫幾諫之功無異犯顏但不彰君之過所以為優耳

幾諫者見微而諫也侯希聖曰事君有顯諫者有幾諫者然而溫柔忠厚者其說多行計直強勁者其說多忤

夫是以貴幾諫也幾居希翻乘繩證翻

官至侍中太保錄尚書賜劔履上

殿入朝不趨乘輿入殿然殷在公卿間常恂恂有卑讓之色故能處驕暴之國保其富貴不失令名以壽考自

終

處昌  
呂翻

漢主聰以河間王易為車騎將軍彭城王翼

為衛將軍並典兵宿衛高平王悝為征南將軍鎮離石

悝苦濟南王驥為征西將軍築西平城以居之

西平城  
當築於

平陽西濟  
子禮翻

魏王操為征東將軍鎮蒲子趙固王桑自

懷求迎於漢漢主聰遣鎮遠將軍梁伏疵將兵迎之未至長史臨深將軍牟穆帥眾一萬叛歸劉演固隨疵而

西

疵疾移翻帥讀曰率下同

桑引其衆東奔青州固遣兵追殺之於

曲梁

曲梁縣屬廣平郡曹魏置廣平郡始曲梁城劉昫曰唐洺州永年縣漢曲梁縣地也

桑將張

鳳帥其餘衆歸演聰以固為荊州刺史領河南太守鎮

洛陽石勒自葛陂北行所過皆堅壁清野虜掠無所

獲軍中飢甚士卒相食至東燕

據水經東燕城在酸棗縣東河水自酸棗東北

過延津又逕東燕縣故城北余攷兩漢志東郡有燕縣無東燕縣其即是歟魏收地形志東燕縣晉屬濮陽國

賢曰東燕故城今滑州昨城縣燕於賢翻

聞汲郡向冰聚衆數千壁枋頭

水經

淇水至黎陽入河在遮害亭西十八里漢建安九年魏武於水口下大枋木以成堰遏淇水東入白溝以通漕

運故時人號其處曰枋頭杜佑曰枋頭在今汲郡衛縣界宋白曰枋頭城在今衛縣南去河八里向式亮翻姓

也枋音方勒將濟河恐水邀之張賓曰聞冰船盡在瀆中未

上未上者未上岸船不用則推之登陸使遠水而燥他日輕便於駕用上時掌翻宜遣輕兵間

道襲取以濟大軍

問古覓翻

大軍既濟冰必可擒也秋七月

勒使支雄孔萇自文石津縛筏潛渡取其船勒引兵自

棘津濟河

水經河水逕東燕縣故城北河水於是有棘津之名

擊冰大破之盡得

其資儲軍執復振遂長驅至鄴劉演保三臺以自固臨

深牟穆等復帥其衆降於勒

復扶又翻帥讀曰率並下同降戶江翻下同諸

將欲攻三臺張賓曰演雖弱衆猶數千三臺險固攻之

未易猝拔

易以  
翻

捨而去之彼將自潰方今王彭祖劉越

石公之大敵也

王浚字彭祖  
劉琨字越石

宜先取之演不足顧也且

天下饑亂明公雖擁大兵遊行羈旅人無定志非所以

保萬全制四方也不若擇便地而據之廣聚糧儲西稟

平陽以圖幽并

幽王浚  
并劉琨

此霸王之業也邯鄲襄國形勝

之地

邯鄲縣漢屬趙國晉屬廣平襄國縣秦為信都項  
羽改曰襄國漢屬趙國晉屬廣平而信都別為縣

前漢屬信都國後漢屬安平國邯鄲音寒丹宋  
白曰隋改襄國為龍岡縣唐為邢州所治也

請擇一



而都之勒曰右侯之計是也遂進據襄國賓復言於勒

曰今吾居此彭祖越石所深忌也恐城塹未固資儲未

廣二寇交至

塹七  
艷翻

宜亟收野穀且遣使至平陽具陳鎮

此之意

使疏吏  
翻下同

勒從之分命諸將攻冀州郡縣壁壘多

降運其穀以輸襄國且表於漢主聰聰以勒為都督冀

幽并營四州諸軍事

營州不在晉太康地志十九州之  
數晉地理志咸寧二年分昌黎遼

東玄菟帶方樂浪等郡國五置平州至慕容熙據和龍  
始於宿軍置營州以刺史鎮之拓拔魏置營州於和龍

勒時未有營州也郡國志營  
州地當營室分故曰營州

冀州牧進封上黨公劉

琨移檄州郡期以十月會平陽擊漢琨素奢豪喜聲色

喜許  
記翻

河南徐潤以音律得幸於琨琨以為晉陽令潤驕

恣干預政事護軍令狐盛數以為言

令狐之令力丁  
翻數所角翻

且

勸琨殺之琨不從潤譖盛於琨琨收盛殺之琨母曰汝

不能駕御豪傑以恢遠略而專除勝己禍必及我盛子

泥奔漢具言虛實漢主聰大喜遣河內王粲中山王曜

將兵寇并州以令狐泥為鄉導

鄉讀  
日嚮

琨聞之東出收兵

於常山及中山使其將郝詵張喬將兵拒粲

郝呼  
各翻

且遣

使求救於代公猗盧詵喬俱敗死粲曜乘虛襲晉陽太

原太守高喬并州別駕郝聿以晉陽降漢

考異曰劉琨傳曰屬龐

醇降于聰鴈門烏丸復反琨親出禦之粲乘虛襲取晉陽按琨上太子牋曰聰以七月十六日復決計送死臣即自東下率中山常山之卒並合樂平上黨諸軍未旋之間而晉陽傾潰十六國春秋亦云琨收兵常山本傳也誤八月庚戌琨還救晉陽不及帥左右數十騎奔常山

辛亥粲曜入晉陽壬子令孤泥殺琨父母粲曜送尚書盧志侍中許遐太子右衛率崔瑋于平陽聰復以曜為車騎大將軍以前將軍劉豐為并州刺史鎮晉陽九月

聽以盧志為太弟太師崔瑋為太傅謝遐為太保高喬  
令狐泥皆為武衛將軍 己卯漢衛尉梁芬奔長安

辛巳賈疋等奉秦王業為皇太子

考異曰懷帝紀云賈疋討劉粲於三輔

走之關中小定奉秦王為太子按賈疋等以永嘉五年  
攻劉粲于新豐粲敗還平陽奉秦王入雍城六年三月  
劉曜奔長安走秦王入長安漢兵皆已退 建行臺於長  
矣秦王為太子時劉粲方在晉陽懷紀誤

安祭壇告類

告類或攝或即位祭天之禮舜之攝也肆類于上帝孔安國注曰類謂攝位事類遂

以攝告天及五帝湯黜夏命  
昭告于上天神后皆其事也

建宗廟社稷大赦以閭鼎

為太子詹事總攝百揆

太子詹事統攝宮僚時太子建行臺故以詹事總百揆時位號

未正其實丞丞加賈足征西大將軍以秦州刺史南陽王相之職也

保為大司馬命司空荀藩督攝遠近光祿大夫荀組領

司隸校尉行豫州刺史與藩共保開封

開封縣漢屬河南郡晉屬滎陽

郡秦州刺史裴苞據險以拒涼州兵張寔宋配等擊

破之苞奔柔凶鵠冬十月漢主聰封其子恒為代王

恒戶登翻逞為吳王朗為潁川王臯為零陵王旭為丹陽王

京為蜀王坦為九江王晃為臨川王以王育為太保王

彰為太尉任顗為司徒

顗魚豈翻

馬景為司空朱紀為尚書

令范隆為左僕射呼延晏為右僕射代公猗盧遣其

子六修及兄子普根將軍衛雄范班箕澹帥眾數萬為

前鋒以攻晉陽

澹徒覽翻又徒濫翻春秋云遣其子利孫宥六須載記云宥

考異曰十六國

六須劉琨集云左右賢王又云右賢王撲速根本從後魏書考異又曰箕澹十六國春秋後魏書作姬澹今

從劉琨傳猗盧自帥眾二十萬繼之劉琨收散卒數千為之

鄉導

鄉讀曰窩

六修與漢中山王曜戰於汾東曜兵敗墜馬

中七創

中竹仲翻創初良翻下同

討虜將軍傅虎以馬授曜曜不受

曰卿當乘以自免吾創已重自分死此

分扶問翻

虎泣曰虎

蒙大王識拔至此常思效命今其時矣且漢室初基天

天下可無虎不可無大王也乃扶曜上馬驅令渡汾自

還戰死曜入晉陽夜與大將軍粲鎮北大將軍豐掠晉

陽之民踰蒙山而歸

五代志太原郡石艾縣有蒙山魏收曰石艾縣即漢晉之上艾縣也

晉志上艾縣屬樂平郡又據五代志晉陽縣有蒙山此蓋蒙山跨晉陽石艾二縣界也

十一月猗

盧追之戰於藍谷

藍谷在蒙山西南

漢兵大敗擒劉豐斬邢延

等三千餘級

邢延叛琨見上卷五年

伏尸數百里猗盧因大獵壽

陽山

壽陽山在樂平壽陽縣魏收地形志作壽陽縣此縣蓋晉置也宋白曰壽陽縣本漢榆次縣地晉置

壽陽縣

陳閱皮肉山為之赤劉琨自營門步入拜謝固請

進軍猗盧曰吾不早來致卿父母見害誠以相愧今卿

已復州境吾遠來士馬疲弊且待後舉劉聰未可滅也

遺琨馬牛羊各千餘疋車百乘而還

遺于季翻乘絕證翻

留其將

箕澹段繁等戍晉陽琨徙居陽曲

陽曲縣屬太原郡在晉陽北

招集

亡散盧諶為劉粲參軍亡歸琨

諶時壬翻

漢人殺其父志考

異曰劉聰載記志勸太弟又作亂被誅按志勸成都王穎起義兵諫穎攻長沙王又忠義敦篤始終不虧非勸

又作亂者也及弟謚詵贈傅虎幽州刺史十二月漢

今從盧諶傳



主聰立皇后張氏以其父寔為左光祿大夫 彭仲蕩

之子天護帥羣胡攻賈足天護陽不勝而走足追之夜

墜澗中天護執而殺之

足音雅足殺彭蕩仲事見上卷五年考異曰帝紀曰足討賊張

連遇害足傳天護攻之足敗漢以天護為涼州刺史衆

走墜澗死今從十六國春秋

推始平太守麴允領雍州刺史閻鼎與京兆太守梁綜

爭權鼎遂殺綜麴允與撫夷護軍索綝馮翊太守梁肅

合兵攻鼎鼎出犇雍為氐竇首所殺

石勒方強賈閭麴索降心相從協力

以輔晉室猶懼不能全況自相屠乎

長安之敗徵見於此矣雍於用翻

廣平游綸張豺

擁衆數萬據苑鄉

姓譜游廣平望姓鄭公子偃字子游其後以為氏魏收志廣平郡任縣有

苑鄉城宋白曰任縣後漢南縣地後趙石氏於此置苑鄉縣唐為任縣屬邢州

受王浚假署

假署者承制權宜而補署假以職名

石勒遣夔安支雄等七將攻之破其

外壘浚遣督護王昌帥諸軍及遼西公段疾陸眷

考異曰石

勒載記及後魏書作就陸眷今從王浚傳

疾陸眷弟匹磾文鴛從弟末杯

碑丁

奚翻從才用翻魏書作未破今從

王浚傳考異曰後

部衆五萬攻勒於襄國疾

陸眷屯于渚陽

班固地理志禹貢絳水在信都入海水經註絳瀆北逕信都城東散入澤渚西

至信都城東連于廣川縣張甲故瀆同歸于海疾陸眷蓋屯是渚之陽也

勒遣諸將出戰皆

為疾陸眷所敗

敗補邁翻

陸眷大造攻具將攻城勒衆甚懼

勒召將佐謀之曰今城塹未固糧儲不多彼衆我寡外無

救援吾欲悉衆與之決戰何如諸將皆曰不如堅守以

疲敵待其退而擊之張賓孔萇曰鮮卑之種

種章勇翻

段氏

最為勇悍

悍下罕翻又戾肝翻

而末柸尤甚其銳卒皆在末柸所

今聞疾陸眷刻日攻北城其大衆遠來戰鬪連日謂我

孤弱不敢出戰意必懈惰

懈古隘翻

宜且勿出示之以怯鑿

北城為突門二十餘道

墨子備突篇曰城百步一突門突門用車兩輪以木束之塗其

上維置突門內度門廣狹之令人入門四尺中置室突門旁為橐充竈狀又置艾冠即入下輪而塞之鼓橐薰之也杜佑曰突門鑿城內為閤門多少臨事令五六寸勿穿或於中夜於敵初來營列未定精騎從突門躍出擊其無備俟其來至列守未定出其不意直衝末柅帳襲其不意彼必震駭不暇為計破之必矣末柅敗則其餘不攻而潰矣勒從之密為突門既而疾陸眷攻北城勒登城望之見其將士或釋仗而寢乃命孔萇督銳卒自突門出擊之見其釋仗而寢知其懈也乃城上鼓譟以助其勢萇命萇出戰所謂見其執者也

攻末柅帳不能克而退末柅逐之入其壘門為勒衆所

獲疾陸眷等軍皆退走長乘勝追擊枕尸三十餘里

枕職

任翻獲鎧馬五千匹

鎧可亥翻

疾陸眷收其餘衆還屯渚陽勒

質末桎

質音致下同

遣使求和於疾陸眷

使疏吏翻

疾陸眷許之

文鴛諫曰今以末桎一人之故而縱垂亡之敵得無為

王彭祖所怨招後患乎疾陸眷不從復以鎧馬金銀賂

勒

復扶又下同

且以末桎三弟為質而請末桎諸將皆勸勒

殺末桎勒曰遼西鮮卑健國也與我素無仇讐為王浚

所使耳今殺一人而結一國之怨非計也歸之必深德

我不復為浚用矣乃厚以金帛報之遣石虎與疾陸眷  
盟于渚陽結為兄弟疾陸眷引歸王昌不能獨留亦引  
兵還薊勒召末柸與之燕飲誓為父子遣還遼西末柸  
在塗日南嚮而拜者三由是段氏專心附勒王浚之勢

遂衰

孫武所謂親而離之此其近之矣然段氏專心  
附勒者末柸也若匹碑文焉則終身與勒抗游

綸張豺請降於勒

降戶  
江翻

勒攻信都殺冀州刺史王象浚

復以邵舉行冀州刺史保信都 是歲大疫 王澄少

與兄衍名冠海內

少詩  
冠古  
玩翻

劉琨謂澄曰卿形雖散朗

而內實動俠

言其心輕易動又豪俠自喜也

以此處世

處昌呂翻

難得其死

及在荊州悅成都內史王機謂為已亞使之內綜心脅

綜機縷也所以持經而施緯使不失其條理者也故謂能統理衆事者為綜理

外為爪牙澄屢

為杜弢所敗

弢土刀翻敗補邁翻

望實俱損猶傲然自得無憂懼

之意但與機日夜縱酒博奕由是上下離心南平太守

應詹屢諫不聽澄自出軍擊杜弢軍于作塘

作塘縣後漢屬武陵

郡晉屬南平郡五代志澧陽郡孱陵縣舊曰作塘

故山簡參軍王冲擁衆迎應

詹為刺史詹以冲無賴棄之還南平

南平郡治江安

冲乃自稱

刺史澄懼使其將杜弢守江陵徙治孱陵

孱陵縣漢屬武陵郡晉屬

南平郡應劭曰孱音踐師古音士連

尋又犇沓中

此沓中非

翻劉昫曰澧州安鄉縣漢孱陵地

姜維種麥之沓中蓋在孱陵之東

別駕郭舒諫曰使君臨州雖無異政

然一州人心所繫今西收華容之兵足以擒此小醜

華容

縣屬南郡

奈何自棄遽為奔亡乎澄不從欲將舒東下舒曰

舒為萬里紀綱

舒為州別駕故自謂萬里紀綱

不能匡正令使君犇亡

誠不忍渡江乃留屯沌口

水經註沌水南通沔陽縣之太白湖湖水東南通江謂之

沌口沌持袞翻

琅邪王睿聞之召澄為軍諮祭酒以軍諮祭酒



周顓代之澄乃赴召顓始至州

顓魚里翻

建平流民傳密等

叛迎杜弢弢別將王真襲沔陽

沔陽梁武帝時方置郡據沈約志陶侃為荊州

刺史初治沔縣則是時已有沔陽城矣當屬竟陵郡界宋白曰復州沔陽縣漢縣也郡國志曰沔陽縣即楚王

城顓狼狽失據征討都督王敦遣武昌太守陶侃尋陽

太守周訪歷陽內史甘卓

懷帝永嘉五年睿加敦都督征討諸軍事惠帝永興元年

分淮南之烏江歷陽二縣置歷陽郡

共擊弢敦進屯豫章為諸軍繼援考

異曰王澄傳曰時王敦為江州鎮豫章按敦時為楊州刺史都督征討諸軍非為江州也

王澄過詣

敦自以名聲素出敦右猶以舊意侮敦敦怒誣其與杜

攷通信遣壯士搃殺之

搃乙革翻

王機聞澄死懼禍以其父

毅兄矩皆嘗為廣州刺史就敦求廣州敦不許會廣州

將溫邵等叛刺史郭訥迎機為刺史機遂將奴客門生

千餘人入廣州

考異曰王澄死周顗敗王敦鎮豫章機入廣州紀傳皆無年月按衛玠傳玠

依敦於豫章以永嘉六年卒故附於此

訥遣兵拒之將士皆機父兄時部

曲

王機父毅為廣州刺史甚得南越之情

不戰迎降

降戶江翻下同

訥乃避位以

州授之王如軍中飢乏官軍討之其黨多降如計窮

遂降於王敦

考異曰如降亦無年月明年有如餘黨入漢中故附此

鎮東軍司

顧榮前太子洗馬衛玠皆卒

洗悉薦翻

玠瓘之孫也美風神

善清談常以為人有不及可以情恕非意相干可以理

遣故終身不見喜愠之色

見賢遍翻

江陽太守張啓

江陽縣漢

屬犍為郡劉蜀分置江陽郡隋併入陵州隆山縣唐為眉州彭山縣

殺益州刺史王異而

代之

異行三府事見上卷五年

啓翼之孫也尋病卒三府文武共表

涪陵太守向洸行西夷校尉南保涪陵

沈持林翻涪音浮

南

安赤亭羌姚弋仲東徙榆眉

水經註漢靈帝分獠道為南安郡赤亭水出郡之東

山赤谷西流逕城北南入渭水謂之赤亭川榆眉即漢扶風之隃麋縣晉省宋白曰隴州汧源縣東有隃麋澤

有古城吳山縣亦漢榆麋縣地戎夏襁負隨之者數萬自稱護羌校尉

雍州刺史扶風公

夏戶雅翻  
雍於用翻

孝愍皇帝上

諱鄴字彥旗武帝孫吳孝王晏之子也出繼伯父秦王東後襲封秦王諡

瀟禍亂方作曰愍  
在國遭憂曰愍

建興元年

是年夏四月  
方改元建興

春正月丁丑朔漢主聰宴羣臣

於光極殿使懷帝著青衣行酒

著陟略翻

庾珉王雋等不勝

悲憤因號哭聰惡之

勝音升號戶刀  
翻惡鳥路翻

有告珉等謀以平

陽應劉琨者二月丁未聰殺珉雋等故晉臣十餘人

永嘉

三年珉雋與懷帝亦遇害年三十大赦復以會稽劉夫人

為貴人

永嘉六年聰以夫人妻帝聰封帝為會稽公故曰會稽劉夫人會工外翻

荀崧曰懷帝天資清劭

劭高也

少著英猷

少詩照翻

若遇承

平足為守文佳主而繼惠帝擾亂之後東海專政故無幽厲之釁而有流亡之禍矣

乙亥漢太后張氏卒諡曰光獻張后不勝哀丁丑亦卒

諡曰武孝

張后張太后之姪女勝音升

己卯漢定襄忠穆公王彰

卒三月漢主聰立貴嬪劉娥為皇后為之起鷄儀殿

雄曰鳳雌曰鷄書曰鳳凰來儀為于偽翻下更為下為同廷尉陳元達切諫以為天

生民而樹之君使司牧之非以兆民之命窮一人之欲

也晉氏失德大漢受之蒼生引領庶幾息肩是以光文

皇帝

劉淵謚光文  
幾居希翻

身衣大布居無重茵

衣於既翻下  
同重直龍翻

后

妃不衣錦綺乘輿馬不食粟愛民故也

乘絕  
證翻

陛下踐阼

以來已作殿觀四十餘所加之軍旅數興

觀古玩翻  
數所角翻

餽

運不息饑饉疾疫死亡相繼而益思營繕宣為民父母

之意乎今有晉遺類西據關中南擅江表李雄奄有巴

蜀王浚劉琨窺窬肘腋石勒曹窳貢稟漸踈

窳魚力翻  
貢謂貢獻

稟謂稟  
承詔命

陛下釋此不憂乃更為中宮作殿豈目前之所

急乎

為于  
偽翻

昔太宗居治安之世粟帛流行猶愛百金之

費免露臺之役

事見十五卷漢文帝  
後七年治直吏翻

陛下承荒亂之餘

所有之地不過太宗之二郡

時聰所有之地漢  
河東西二郡耳

戰守之

備非特匈奴南越而已

漢文帝時惟  
備匈奴南越

而宮室之侈乃至

於此臣所以不敢不冒死而言也聰大怒曰朕為天子

營一殿何闕汝鼠子乎乃敢妄言沮衆

沮在  
呂翻

不殺此鼠

子朕殿不成命左右曳出斬之并其妻子同梟首東市

梟豎使羣鼠共穴時聰在逍遙園李中堂元達先鎖腰

而入即以鎖鎖堂下樹呼曰臣所言者社稷之計而陛

下殺臣朱雲有言臣得與龍逢比干遊足矣

朱雲事見三十二卷

漢成帝元延元年呼火故翻逢蒲江翻

左右曳之不能動大司徒任顗

任音

壬顗魚豈翻

光祿大夫朱紀范隆驃騎大將軍河間王易等

叩頭出血曰元達為先帝所知受命之初即引置門下

見八十五卷惠帝永興元年

盡忠竭慮知無不言臣等竊祿偷安每



見之未嘗不發愧今所言雖狂直願陛下容之因諫諍而斬列卿其如後世何聰默然劉后聞之密敕左右停刑手䟽上言今宮室已備無煩更營四海未壹宜愛民力廷尉之言社稷之福也陛下宜加封賞而更誅之四海謂陛下何如哉夫忠臣進諫者固不顧其身也而人主拒諫者亦不顧其身也陛下為妾營殿而殺諫臣使忠良結舌者由妾遠近怨怒者由妾公私困弊者由妾社稷貼危者由妾

為于偽翻貼服虔音反貼之貼益康音屋檐之檐如淳曰貼近邊知墮意

天下之罪皆萃於妾妾何以當之妾觀自古敗國喪家

敗補邁翻  
喪息浪翻

未始不由婦人心常疾之不意今日身自為

之使後世視妾由妾之視昔人也

由與猶通洪氏隸釋曰古字多以由通為

猶字樊毅修華嶽碑由復夕惕余謂樊碑之由其義尚也此由如也

妾誠無面目復奉巾

櫛

櫛側瑟翻梳枇總名復扶又翻下同

願賜死此堂以塞陛下之過

塞悉則翻

聽覽之變色任顙等叩頭流涕不已聽徐曰朕比年已

來微得風疾

比毗至翻

喜怒過差不復自制元達忠臣也朕

未之察諸公乃能破首明之誠得輔弼之義也朕愧哉

于心

戢側立翻藏也

何敢忘之命顗等冠履就坐

坐徂卧翻

引元達

上

上時掌翻升堂也

以劉氏表示之曰外輔如公內輔如后朕

復何憂賜顗等穀帛各有差更命逍遙園曰納賢園李

中堂曰愧賢堂

更工衡翻

聰謂元達曰卿當畏朕而反使朕

畏卿耶西夷校尉向沈卒衆推汶山太守蘭維為西

夷校尉

向式亮翻姓也沈持林翻汶音岷姓譖鄭穆公名蘭支庶以為氏漢有武陵太守蘭廣又匈奴

傳亦有蘭氏非此蘭也

維率吏民北出欲向巴東

欲歸晉也

成將李恭

費黑邀擊獲之

將即亮翻費扶沸翻

夏四月丙午懷帝凶問至

長安皇太子舉哀因加元服

鄭樵通志略曰魏氏天子冠一加其說曰古之士禮

冠必三加彌尊所以喻其志至於天子諸侯無加數之文者將以踐阼臨人尊極德成不復與士以加喻勉為義禮冠於廟自魏不復在廟矣

冠太子再加是時蓋仍魏禮

壬申即皇帝位大赦改

元始改元建興

以衛將軍梁芬為司徒雍州刺史麴允為尚

書左僕射錄尚書事

雍於用翻

京兆太守索綝為尚書右僕

射領吏部京兆尹

索昔各翻綝丑林翻

是時長安城中戶不盈百

蒿棘成林公私有車四乘

乘絕證翻

百官無章服印綬唯桑

版署號而已尋以索綝為衛將軍領太尉軍國之事悉

以委之 漢中山王曜司隸校尉喬智明寇長安平西

將軍趙染帥衆赴之

帥讀曰率下同

詔麴允屯黃白城以拒之

石勒使石虎攻鄴鄴潰劉演犇廩丘

廩丘縣前漢屬東郡後漢屬濟

陰郡晉屬濮陽國賢曰廩丘故城在今濮州雷澤縣北

三臺流民皆降於勒

降戶江翻

勒以挑豹為魏郡太守以撫之久之以石虎代豹鎮鄴

初劉琨用陳留太守焦求為兖州刺史荀藩又用李述

為兖州刺史述欲攻求琨召求還及鄴城失守琨復以

劉演為兖州刺史鎮廩丘前中書侍郎郗鑒少以清節

著名帥高平千餘家避亂保嶧山

水經註嶧山在鄒縣北繹邑之所依以為

名也山東西二十里高秀獨出積石相臨殆無土壤石間多孔穴洞達相通往往有如數間屋處其俗謂之嶧孔遭亂輒將家入嶧外寇雖衆無所施害晉永嘉中郗鑒保此山今山南有大嶧名曰鄒公嶧詩所謂保有鳧繹復扶又翻少詩照琅邪王睿就用鑒為兗州刺史鎮

翻帥讀曰率嶧音亦

鄒山

鄒山在魯郡鄒縣一月壬寅朔與丞相賤曰焦求雖出寒鄉有文武

考異曰劉琨集建興二年十

膽幹苟琚用為陳留太守獨在河南距當石勒撫綏有方琨以求行領兗州刺史後聞荀公以李述為兗州以

素論門望不可與求同日而論至於膽幹可以處危權一時之用李述亦不能及求而王玄年少便欲共討求琨以求已與玄構隙便召還而州界民物甚不安服述二千石及文武大姓連遣信使求刺史是以遣兄子演

代求領兗州事往年春正月遣詣鄴至是斬王桑走趙固云云今勒據襄國逼近鄴城故令演轉南演今治在康丘而李述郗鑒並欲爭兗州或云為荀公所用或云為明公所用大冠未殄而自共尋干戈此以大潰也輒敕演謹自守而已按王桑趙固之敗及石勒攻鄴皆在永嘉六年琨賤又云傳長安消息主上是秦王又建興二年十一月丙申朔元年十一月壬申朔十二月壬寅朔然則琨發賤之日建興元年十二月壬寅朔也傳寫誤三人各屯一郡兗州吏民莫知所從琅邪王睿以

前廬江內史華譚為軍諮祭酒

華戶化翻

譚嘗在壽春依周

馥睿謂譚曰周祖宣何故反

周馥字祖宣

譚曰周馥雖死天

下尚有直言之士馥見寇賊滋蔓欲移都以紓國難

難乃

旦翻執政不悅興兵討之馥死未踰時而洛都淪沒若謂

之反不亦誣乎

事見上卷永嘉四年五年

睿曰馥位為征鎮握彊兵

召之不入危而不持亦天下之罪人也譚曰然危而不

持當與天下共受其責非但馥也睿參佐多避事自逸

錄事參軍陳頴

錄事參軍掌總錄衆曹管其文案自上下佐以下違失者彈正以法掌凡諸司察

之事白氏六帖曰州主簿郡督郵並今錄事參軍之職余據睿以頴為錄事參軍自別有主簿詳見辨誤言

於睿曰洛中承平之時朝士以小心恭恪為凡俗以偃

蹇倨肆為優雅流風相染以至敗國

朝直遥翻敗補邁翻

今僚屬



皆承西臺餘弊

江東謂洛都為西臺

養望自高是前車已覆而後

車又將尋之也請自今臨使稱疾者皆免官睿不從三

王之誅趙王倫也

見八十四卷惠帝永寧元年

制已亥格以賞功自

是循而用之願上言昔趙王篡逆惠皇失位三王起兵

討之故厚賞以懷嚮義之心今功無大小皆以格斷

斷

亂翻決也言功之輕重差次皆以已亥格決之

乃至金紫佩士卒之身符策委

僕隸之門非所以重名器正紀綱也請一切停之願出

於寒微數為正論府中多惡之

數所角翻惡烏路翻

出願為譙郡

太守 吳興太守周玘宗族彊盛

玘墟里翻

琅邪王濬頗疑

憚之濬左右用事者多中州亡官失守之士駕御吳人

吳人頗怨玘自以失職又為刁協所輕恥恚愈甚

恚於避翻

乃陰與其黨謀誅執政以諸南士代之事泄玘憂憤而

卒將死謂其子勰曰殺我者諸傖子也

勰音協傖助庚翻吳人謂中州

人為能復之乃吾子也 石勒攻李憚於上白斬之

憚於

翻王浚復以薄盛為青州刺史

上白城在安平廣宗縣李憚薄盛皆乞活帥復

翻扶又 王浚使棗嵩督諸軍屯易水召段疾陸眷欲與

之共擊石勒疾陸眷不至

以釋其弟末極德石勒故不肯會浚兵

浚怒以

重幣賂拓拔猗盧并檄慕容廆等共討疾陸眷

廆戶猗

盧遣右賢王六修將兵會之為疾陸眷所敗

敗補

廆遣

慕容翰攻段氏取徒河新城至陽樂

陽樂縣屬遼西郡賢曰陽樂縣在平

東州聞六修敗而還翰因留鎮徒河壁青山初中國士民

避亂者多北依王浚浚不能存撫又政法不立士民往

往復去之

復扶又翻

段氏兄弟專尚武勇不禮士大夫唯慕

容廆政事修明愛重人物故士民多歸之廆舉其英俊

隨才授任以河東裴嶷

嶷魚力翻

北平陽耽廬江黃泓代郡

魯昌為謀主廣平游邃北海逢羨

逢皮江翻

北平西方虔

何氏

姓苑少昊金天氏位主西方子孫以為氏西河宋奭及封抽裴開為股肱平

原宋諱安定皇甫岌岌弟真蘭陵繆愷

繆靡幼翻

昌黎劉斌

及封奕封裕典機要裕抽之子也裴嶷清方有幹略為

昌黎太守兄武為玄菟太守武卒嶷與武子開以其喪

歸過鹿

自玄菟西歸道過棘城菟同都翻

鹿敬禮之及去厚加資送行

及遼西道不通嶷欲還就鹿開曰鄉里在南柰何北行

且等為流寓段氏彊慕容氏弱何必去此而就彼也疑

曰中國喪亂

喪息浪翻

今往就之是相帥而入虎口也

帥讀曰率

且道遠何由可達

言昌黎去河東既遠又路梗無由得達

若俟其清通又

非歲月可冀

言天下方亂道路未有清通之時

今欲求託足之地豈可

不慎擇其人汝觀諸段豈有遠略且能待國士乎慕容

公修行仁義有霸王之志加以國豐民安今往從之高

可以立功名下可以庇宗族汝何疑焉開乃從之既至

龐大喜陽耽清直沈敏為遼西太守

沈持林翻

慕容翰破段

氏於陽樂獲之鹿禮而用之游邃逢羨宋奭皆嘗為昌

黎太守

逢皮江翻

與黃泓俱避地於薊後歸鹿王浚屢以手

書召邃兄暢暢欲赴之邃曰彭祖刑政不修華戎離叛

以邃度之必不能久兄且盤桓以俟之

易屯卦初九爻辭曰盤桓利居

貞王弼曰不可以進故盤桓也馬曰盤桓旋也度徒洛翻

暢曰彭祖忍而多疑頃者

流民北來命所在追殺之今手書殷勤我稽留不往將

累及卿

累力瑞翻

且亂世宗族宜分以冀遺種遂從之卒與

浚俱沒

種章勇翻辛子恤翻

宋該與平原杜羣劉翔先依王浚又

依段氏皆以為不足託帥諸流寓同歸於鹿東夷校尉

崔寔請皇甫宓為長史卑辭說諭終莫能致鹿招之宓

與弟真即時俱至

古語有之鳥則擇木木豈能擇鳥帥讀曰率說翰芮翻

遼東張

統據樂浪帶方二郡與高句麗王乙弗利相攻連年不

解樂浪王遵說統帥其民千餘家歸鹿鹿為之置樂浪

郡

為于偽翻樂浪音洛琅句如字又音駒驪力知翻

以統為太守遵參軍事

王如餘黨涪陵李運巴西王建等自襄陽將三千餘家

入漢中

涪音浮

梁州刺史張光遣參軍晉邈將兵拒之邈

受運建賂勸光納其降

降戶江  
翻下同

光從之使居成固既而

邈見運建及其徒多珍寶欲盡取之復說光曰

復扶又  
翻說輸

苗運建之徒不修農事專治器仗其意難測不如悉掩

殺之不然必為亂光又從之

將貪於下帥闇於上梁州  
之禍復自此始治直之翻

五月邈將兵攻運建殺之建婿楊虎收餘衆擊光屯于  
厄水光遣其子孟萇討之不能克 壬辰以琅邪王睿

為左丞相大都督陝東諸軍事南陽王保為右丞相

大都督陝西諸軍事

所謂分陝也  
陝失再翻

詔曰今當掃除鯨



鮪鮪鮪大魚鉤網所不能制以比敵

奉迎梓宮

謂懷帝遇害於

平陽梓宮未返也

令幽并兩州勒卒三十萬直造平陽

造七到翻下同

右丞相宜帥秦涼梁雍之師三十萬徑詣長安左丞相

帥所領精兵二十萬徑造洛陽

帥讀曰率雍於用翻

同赴大期克

成元勲漢中山王曜屯蒲坂石勒使孔萇擊定陵

殺田徽

定陵縣漢屬潁川郡晉屬襄城郡田徽王浚用為兗州刺史

薄盛率所部降

勒山東郡縣相繼為勒所取漢主聰以勒為侍中征東

大將軍烏桓亦叛王浚潛附於勒

史言王浚之勢浸以孤弱

六月

劉琨與代公猗盧會于陘北謀擊漢

陘音刊

秋七月琨進

據藍谷猗盧遣拓拔普根屯于北屈

北屈縣漢屬河東郡晉屬平陽郡春

秋晉公子夷吾所居邑也宋白曰慈州夾城縣本漢北屈縣地師古曰屈居勿翻

琨遣監軍韓

據自西河而南將攻西平

西平城在平陽西漢主聰築以居其子濟南王驥

漢

主聰遣大將軍粲等拒琨驃騎將軍易等拒普根蕩晉

將軍蘭陽等助守西平琨等聞之引兵還

還從宣翻聰又如字

使諸軍仍屯所在為進取之計帝遣殿中都尉劉蜀

詔左丞相睿以時進軍

殿中都尉屬二衛

與乘輿會除中原

乘繩

證翻八月癸亥蜀至建康睿辭以方平定江東未暇北伐

以鎮東長史刁協為丞相左長史從事中郎彭城劉隗

為司直

隗五罪翻

邵陵內史廣陵戴邈為軍諮祭酒

吳孫皓寶鼎元

年分零陵北部都尉立邵陵郡宋白曰邵陵漢之昭陵縣吳立邵陵郡唐為邵州

參軍丹陽張

闓為從事中郎

闓音開又可亥翻

尚書郎潁川鍾雅為記室參

軍譙國桓宣為舍人豫章熊遠為主簿會稽孔愉為掾

會工外翻

劉隗雅習文史善伺候睿意故睿特親愛之

掾以絹翻  
為刁劉間王敦兄弟張本伺相吏翻

熊遠上書以為軍興以來處事不用

律令

處昌呂翻

競作新意臨事立制朝作夕改至於主者不

敢任灋每輒關詔

閔白

非為政之體也愚謂凡為駁議

者皆當引律令經傳

駁北角翻傳直戀翻

不得直以情言無所依

準以虧舊典若開塞隨宜

塞悉則翻

權道制物此是人君之

所得行非臣子所宜專用也睿以時方多事不能從初

范陽祖遜少有大志

漢涿郡魏文帝更名曰范陽郡少詩照翻

與劉琨俱為

司州主簿同寢中夜聞雞鳴寔琨覺曰

寔子六翻踴也覺居效翻寤也

此非惡聲也因起舞及渡江左丞相睿以為軍諮祭酒

逃居京口

吳孫權自吳徙丹徒謂之京城有京峴山在其東其城因山為壘俯臨江津故曰京口

糾合驍健

繩三合為糾糾言合三為一也驍堅克翻下同

言於睿曰晉室之亂

非上無道而下怨叛也由宗室爭權自相魚肉遂使塞

外乘隙毒流中土今遺民既遭殘賊人思自奮大王誠

能命將出師使如逃者統之以復中原郡國豪傑必有

望風響應者矣睿素無北伐之志以逃為奮威將軍豫

州刺史給千人廩布三千疋

給千人糧廩及布三千疋而已

不給鎧仗

使自召募逃將其部曲百餘家渡江中流擊楫而誓曰

祖逖不能清中原而復濟者有如大江

復扶又翻

遂屯淮陰

淮陰縣前漢屬臨淮郡後漢屬下邳國晉屬廣陵郡

起冶鑄兵募得二千餘人而

後進胡亢性猜忌殺其驍將數人杜曾懼潛引王冲

之兵使攻亢

王亢荊州賊也

亢悉精兵出拒之城中空虛曾因

殺亢而并其衆

周顗屯潯水城

廬山記曰尋陽縣在大江之北潯水之陽

潯水城無乃古之尋陽城乎

為杜弢所困陶侃使明威將軍朱伺救

之弢退保冷口

沈約志魏置將軍四十號明威第三弢吐刀翻水經註冷水南出九疑山北流

還冷道縣西南又北流注于都溪水又西北入于營水所謂冷口也楊正衡曰冷郎丁翻余攷此冷口去武昌

甚遠又水經註江水自蘄春故城南又東得銅零口此無乃是乎侃曰弢必步向武昌

乃自徑道還郡以待之徑道捷出之路弢果來攻侃使朱伺逆

擊大破之弢遁歸長沙周顗出潯水投王敦於豫章敦

留之陶侃使參軍王貢告捷於敦敦曰若無陶侯便失

荊州矣乃表侃為荊州刺史屯沔江水經註沔水上承沔陽之白湖東南

流逕沔陽縣南注于江謂之沔口陸游曰江陵之建寧鎮蓋沔口也王敦以陶侃為荊州鎮此明年徙林鄭侃

傳云初鎮沔口移入沔江水經註左丞相睿召周顗復林障故城在沔南沔江謂林障也

以為軍諮祭酒初氏王楊茂搜之子難敵遣養子販

易於梁州私賣良人子一人張光鞭殺之難敵怨曰使

君初來大荒之後兵民之命仰我氏活氏有小罪不能

賞也

賞始制翻貨也  
恕也又神夜翻

及光與楊虎相攻各求救於茂搜茂

搜遣難敵救光難敵求貨於光光不與楊虎厚賂難敵且

曰流民珍貨悉在光所

謂晉邈所  
殺奪者

今伐我不如伐光難

敵大喜光與虎戰使張孟萇居前難敵繼後難敵與虎

夾擊孟萇大破之孟萇及其弟援皆死光嬰城自守九

月光憤激成疾僚屬勸光退據魏興光按劍曰吾受國



重任不能討賊今得死如登僊何謂退也聲絕而卒

張光

雖以信用晉邀致寇其氣烈亦可尚也

州人推其少子邁領州事

少詩又照翻

與氏戰沒衆推始平太守胡子序領梁州荀藩薨于

開封

荀藩傳祇相繼而沒陝東二行臺惟荀組在耳考異曰帝紀曰薨于滎陽今從藩傳

漢中

山王曜趙染攻麴允于黃白城允累戰皆敗詔以索綝

為征東大將軍將兵助允王貢自王敦所還至竟陵

矯陶侃之命以杜曾為前鋒大都督擊王冲斬之悉降

其衆

降戶翻

侃召曾曾不至貢恐以矯命獲罪遂與曾反

擊侃冬十月侃兵大敗僅以身免敦表侃以白衣領職

侃復帥周訪等進擊杜弼大破之

復扶又翻

敦乃奏復侃官

漢趙染謂中山王曜曰麴允率大衆在外長安空虛

可襲也曜使染帥精騎五千襲長安

帥讀曰率下同

庚寅夜入

外城帝犇射鴈樓染焚龍尾及諸營

龍尾者依城築道陂陀而漸高登陴

所由之路也又水經曰秦時有黑龍從南山出飲渭水其行道因山成跡長六十餘里頭臨渭水尾達樊川漢蕭何起未央宮斬龍首山而營之頭高二十丈尾漸下高五六丈所謂龍尾者此山之尾也

殺掠千

餘人辛卯旦退屯逍遙園

水經註沔水上承皇子陂於樊川北逕長安城西與昆明

池水合沅水又東北流逕鄧艾祠南  
又東分為二水一水東入逍遙園  
壬辰將軍麴鑒自

阿城帥衆五千救長安

阿城即秦阿房宮城也

癸巳染引還鑒追

之與曜遇於零武鑒兵大敗

前漢北地郡有靈武縣後漢晉省至後魏置咸陽郡

池陽靈武二縣並屬焉黃白城在池陽則此零武為前漢北地郡魏咸陽郡之靈武明矣

楊虎楊

難敵急攻梁州胡子序棄城走難敵自稱刺史 漢中

山王曜恃勝而不設備十一月麴允引兵襲之漢兵大

敗殺其冠軍將軍喬智明

冠古玩翻

曜引歸平陽 王浚以

其父字處道自謂應當塗高之識謀稱尊號

王浚又一袁術也

前勃海太守劉亮北海太守王搏

搏徒官翻

司空掾高柔切

諫

掾于絹翻此又一高柔非魏之高柔

浚皆殺之燕國霍原志節清高屢

辭徵辟浚以尊號事問之原不答浚誣原與羣盜通殺

而梟其首

梟聖克翻

於是士民駭然而浚矜豪日甚不親政

事所任皆苛刻小人棗嵩朱碩貪橫尤甚

橫戶孟翻

北州謠

曰府中赫赫朱丘伯十囊五囊入棗郎

朱丘伯朱碩字也嵩浚之婿故

曰棗郎

調發殷煩下不堪命多叛入鮮卑

調徒吊翻

從事韓咸

監護柳城

柳城縣前漢屬遼西郡後漢晉省監工外翻

盛稱慕容廆能接納

士民欲以諷浚浚怒殺之浚始者唯恃鮮卑烏桓以為

彊既而皆叛之加以蝗旱連年兵勢益弱石勒欲襲之

未知虛實將遣使覘之

使疏吏翻覘癡  
庶翻又曰艷翻

參佐請用羊祜

陸抗故事致書於浚

欲用敵國  
交鄰之禮

勒以問張賓賓曰浚名

為晉臣實欲廢晉自立但患四海英雄莫之從耳其欲

得將軍猶項羽之欲得韓信也將軍威振天下今卑辭

厚禮折節事之猶懼不信况為羊陸之亢敵乎

折而設  
翻亢口

浪翻夫謀人而使人覺其情難以得志矣勒曰善十二月

勒遣舍人王子春董肇多齎珍寶奉表於浚曰勒本小

族遭世饑亂流離屯厄

屯株倫翻難也

竄命冀州竊相保聚以

救性命今晉祚淪夷中原無主殿下州鄉貴望

勒上黨武鄉人

而浚太原人故云州鄉

四海所宗為帝王者非公復誰

復扶又翻

勒所

以捐軀起兵誅討暴亂者正為殿下驅除爾伏願殿下

應天順人

為于偽翻

早登皇祚勒奉戴殿下如天地父母殿

下察勒微心亦當視之如子也又遺秦嵩書厚賂之

于遺

季浚以段疾陸眷新叛士民多棄已去聞勒欲附之甚

喜謂子春曰石公一時豪傑據有趙魏乃欲稱藩於孤  
其可信乎子春曰石將軍才力彊盛誠如聖旨但以殿  
下中州貴望威行四裔將以傳之奕禩以及於無窮未  
有願他族為帝王者也石將軍非惡帝王不為而讓於  
殿下惡鳥路翻顧以帝王自有歷數非智力之所取雖彊取  
之彊其兩翻必不為天人之所與故也項羽雖彊終為漢有  
石將軍之比殿下猶陰精之與太陽是以遠鑒前事歸  
身殿下此乃石將軍之明識所以遠過於人也殿下又

何怪乎浚大悅封子春肇皆為列侯遣使報聘以厚幣

酬之游綸兄統為浚司馬鎮范陽遣使私附於勒

游綸保據

苑鄉偽降於勒勒已襲禽之

勒斬其使以送浚浚雖不罪統益信勒

為忠誠無復疑矣是歲左丞相睿遣世子紹鎮廣陵

以丞相掾蔡謨為參軍謨克之子也漢中山王曜圍

河南尹魏浚於石梁

石梁塢在洛水北

兖州刺史劉演河內太

守郭默遣兵救之曜分兵逆戰於河北敗之

河北大河之北即富

平津之北也

敗補邁翻浚夜走獲而殺之

代公猗盧城盛樂以



為北都治故平城為南都又作新平城於澠水之陽使

右賢王六修鎮之統領南部

盛樂縣前漢屬定襄郡後漢屬雲中郡平城漢屬鴈

門郡括地志曰朔州定襄縣本漢平城縣拓拔魏之盛也置朔州於盛樂置恒州於平城平城謂之代郡自高祖遷洛其後被六韓拔陵作亂故都為墟恒州寄治肆州秀容郡城雲州寄治并州界魏收地形志自陁嶺以北所記略矣隋之盛也北遂突厥復漢故塞省併後魏所置郡縣盛樂蓋在定襄郡大利縣界平城在馬邑郡雲內縣界唐破突厥北盡魏隋之路朔州善陽縣則漢定襄魏桑乾之地單于都護府金河縣則後魏道武所都也雲州雲中縣則後魏所都平城也然自單于都護府東北至朔州三百五十七里則盛樂距平城其道里可知矣杜佑曰雲中今馬邑郡北平城即今郡隋雲內縣恒安鎮魏書帝紀猗盧修故平城以為南都更南百

里於澧水之陽黃瓜堆築新平城晉人謂之小平城杜佑又曰朔州馬邑郡魏都平城於郡北置懷朔鎮及遷洛後置朔州後魏初雲中在今郡北三百餘里定襄故城北北齊置朔州在故都西南新城一名平城也後移於馬邑即今郡城也郡治善陽縣亦漢定襄縣地有秦馬邑城武周塞紫河發源於此宋白曰唐振武軍舊單于都護府即漢定襄郡之盛樂縣也在陰山之陽黃河之北後魏所都盛樂是也唐平突厥於此置雲中都督府後改單于府班固地理志石北平俊靡縣澧水南至無終東入庚師古曰澧方水翻又音郎賄翻酈道元水經註庚水與鮑丘水合俊靡在東與平城相去甚遠新平城不在此澧水之陽也據魏書道武帝西如馬邑觀澧源則澧水蓋出於馬邑而東北流逕平城之南也酈道元魏人也其註水經叙代都之事宜詳初不言平城有澧水但言濕水逕平城南耳註曰濕水出鴈門陰館縣濕頭山一曰治水東北流出山逕陰館縣故城西故

樓煩鄉也又有馬邑川水會桑乾水而注于濕水濕水東流過平城南又東流逕廣甯下洛縣南東至漁陽入筭溝又考班固地理志鴈門陰館縣樓煩鄉累頭山治水所出東至泉州入海師古曰累音力追翻治音弋之翻竊謂水出累頭山疑當時亦有累水之名師古音從平聲音相近也意道元所謂濕水即漫水也又考丁度集韻漂漫漂三字同註云水出鴈門則亦有見於此矣漫類篇音魯水翻

資治通鑑卷八十八